

**THEATRUM FATI,
SIVE NOTITIA
SCRIPTORUM DE
PROVIDENTIA,
FORTUNA ET...**

Peter Friedrich Arpe



IBLIOTECA NAZIONALE
CENTRALE - FIRENZE

BUONAMICI

431



*R. BIBLIOTECA NAZIONALE CENTRALE
DI FIRENZE*

OPERE BIBLIOGRAFICHE E BIOGRAFICHE

RACCOLTE DAL

DOTT. DIOMEDE BONAMICI

di Livorno (1823-1912)

Novembre 1921.

No 29

THEATRUM
FATI,
SIVE
NOTITIA SCRIPTORUM
DE
PROVIDENTIA, FORTUNA
ET FATO.

AUTORE
PETR. FRID. ARPE.



ROTTERDAMI,
TYPIS FRITSCH ET BÖHM,
MDCCXII.

SENECA Epist. CVII.

*Duc me parens, celsique dominator poli,
Quocunque placuit; nulla parendi mora est.
Adsum impiger: fac nolle; comitabor gemens.
Ducunt volentem fata, nolentem trahunt;
Malusque patiar, quod pati licuit bonis.*

Buon. 431

ILLUSTRISSIMO AC EXCELLENTISSIMO
V I R O,
JOANNI HENRICO
AB A H L F E L D,
DOMINO
IN SESTERMUHE;
ORDINIS DANNENBROGICI
EQUITI SPLENDIDISSIMO,
REGIÆ MAJESTATI DANIÆ

A B
INTIMIS ET SANCTIORIBUS
CONSILIIS,
A D
SUMMOS ET PRÆPOT.
BELGII ORDINES
LEGATO,
PATRIÆ PATRI
IN
SÆCULI
DECUS ET EMOLUMENTUM
NATO,

H O C
T H E A T R U M
F A T I

O B

SUMMA IN SE MERITA

L. M. Q.

D. D. D.

AUTOR.



PRÆFATIO.



I ulla unquam celebris inter Philosophos agitata est quæstio, de Fato illa fuit, quam nemo, licet summam ei curam diligentiamque attulerit, explicare penitus potuit. Quilibet, qui ingenio valet, de Providentia Divina, Fortuna & Fato sententiam proponit sibi quam sequatur; sed plerumque tot dubiis plenam, tot nodis implicatam, quot vix sapientissimus solvere potest.

Sive quid soliti, sive insoliti accidit, Fato hoc evenisse dicunt: si verò ultra verbum progrediuntur, & æternæ Providentiæ Decreta referare audent, non minus obscura eorum oratio fit, quàm HERACLITI de

VI P R Æ F A T I O.

*Natura liber , qui interpretes ferè omnes fellit. Nodus hic est Gordius , Sphyn-
gis ænigma , Minoïs Labyrinthus , & quicquid
obscurum & ineluctabile finxit Antiquitas.*

*Quod cùm perspiceret EPICURUS , insa-
nientis ille Sapientiæ consultus , nodum ferro
discindere , & Providentiam funditus tollere ,
temerario ausus est consilio. Schola è contra
SOCRATIS , cùm mirabilem rerum ordinem
attonita contempleretur , duram introduxit
necessitatem & inexorabile Fatum. Quod se
posse investigare illi non desperant , qui Fata
scribunt , & leges Parcarum acutissimè scilicet
interpretantur. Sed valeat EPICURUS ,
parcus Numinis Cultor & infrequens : valeat
Schola Stoïcorum , rigida nimis & perplexa :
valeant Vates , ni præcoci ingenio metas po-
nunt , subito & inopino casu ruentes :*

*Prudens futuri temporis exitum ,
Caliginosâ nocte premit , Deus. **

Ima-

* Horat. lib. 3. Carm. od. 29.

Imaginem vitæ suæ proponat sibi quisvis tanquam in tabula, concatenatam inveniet rerum seriem, quam nec scire, nec leviter conjicere potuit. Mirabilibus tamen illis Mæandris mirabilis ordo inest, quo constat, orbem hunc non sine Rectore ferri, nec casum merè fortuitum illum, regere.

Scilicet est aliud, quod nos cogatque rogatque, Majus, & in proprias ducat mortalia leges. *

Hoc quid sit, & quomodo fiat, quid sit Fatum, quid necessitas, quid casus, quantum Providentiæ Divinæ sittribuendum, quantum naturæ, quantum nobis, materiam dicendi Philosophis suppeditat amplissimam, & gravem, quam potissimum selegi, de qua ad Te verba facerem, quòd nihil Te, nisi amplum & grave, deceat. Verum dum huic veritati manus porrigo, & TUO SPLENDORI
ut

* Manil. lib. 4. Astron.

VIII P R Æ F A T I O.

*ut consulam studeo , meæ periclitantur vires ,
hæreo non ignarus ,*

Quid humeri ferant , quid ferre recusent.

*Ac parum abest , quin subdiceam. Id ne fiat ,
ipsum negotium in aliud differre tempus , & cùm
diligens præparatio omnibus negotiis prius
quàm aggrediare adhibenda sit , * Notitiam
clarissimorum Virorum præmittere liceat , qui
de his quæ sunt talia , sententias suas litera-
rum monumentis consignatas posteris relique-
runt. Erit enim hoc modo facilius ad ea ,
quæ restant , aditus , & innotescant certis-
sime in anfractibus Duces. Nec T U Æ
E X E L L E N T I Æ ingratum fore auguror ,
Scriptores celeberrimos , antequam in arenam
descendant , contemplari , eorumque vitæ fa-
bulam cognoscere. Nec illi recusant Tuis
auspiciis in lucem prodire , quem omnes qui
norunt , colunt , venerantur.*

* Cicer. lib. 1. de Offic.



THEATRUM FATI.



Rimus, qui in scenam prodit,

H E R M E S

HERMES.

est, literarum inventor & sapientiæ benignus Parens; in quo Historia consentit omnis, discors aliàs & inconstans sibi, fuisse reliquis clariorem præstantioremque mortalibus. Ad hunc certatim inventarum artium gloriam referebant Ægyptii, & aliquot millia versuum in omni doctrinæ genere reliquisse, Autores tradunt. *

Non igitur statuendum, ut putabat *Becanus*, nullum omnino fuisse *Hermetem*; sed potius plures variis ætatibus celebres extitisse, quos *Hermetes* promiscuè dixerint, licet eorum scripta ad unicum *Hermetem* illum *Trismegistum* fuerunt relata,

A

Anti-

* *Clemens Alexandrin. Stromat. lib. 6. pag. 633.*

2 THEATRUM

Antiquorum mōre, quo Pythagoræi egregia inventa ad *Pythagoram* referebant; Ægyptii ad *Hermetem*. Quod institutum, cū in ipso ignorantie sæculo obtinuerit, maxima inde scriptis, quæ *Hermeti* tribuuntur, inest dissonantia, maxima inæqualitas. Quorundam Autorem vix sanæ mentis esse credideris, quorundam licet dubia, non tamen planè rejicienda auctoritas. In his biga scriptorum est, quorum alterum *Poëmander* inscribitur, *Asclepius* alterum, in quibus *Hermes Trismegistus* [licet ipse Auctor non sit, sed junior quidam, ex Schola, ut videtur, *Platonis*] differens introduci-
tur, de *Rebus divinis*, de *Sapientia* & *Providentia* & *Fato*. *Asclepium* jam *Apulejus* Madauriensis, si credimus, in linguam Latinam transtulit; *Poëmandrum* *Leonardus* Pistoriensis, probus Monachus, ex Macedonia *Marfilio Ficino* attulit, qui Latinitate donavit & edidit. Veluti uterque tractatus, tum in Operibus *Ficini* Basileæ 1576. fol. tum in Collectione illa frustulata Platoniorum, quæ apud *Jo. Tornæsium* 1607. in 12. facta est, apparet. Manuscriptum exemplar commemorat *Lambecius* * ex Bibliotheca Cæsarea, à quo non differre arbitror, libros de *Providentia* & *Fato*, quos libro VII. † Commentariorum eidem *Hermeti* tribuit.

Alium

* *Lambec. Comment. de Bibl. Vindobon. l. 7. p. 35.*

† *Idem d. l. pag. 27.*

Alium Codicem Manuscriptum in Bibliotheca Vaticana extare, observat *Possevinus*. *

Amplissimum Commentarium in *Poëmandrum* duobus voluminibus in folio edidit *Hannibal Rossellius*, Cracoviæ 1595. fol. mirè ineptiens. Sunt itidem alii, qui hæc *Hermetis* Opuscula emendare voluerunt, sed meras colligunt lacinias.

A Pud Græcos antiquissimus, qui mihi DEMO-
CRITUS
occurrit, &

DEMOCRITUS

PYTHA-
GORAS
cum Disci-
pulis.

est, Abderites, insignis Philosophus sapientiâ dictus. †

Cujus prudentia monstrat

*Summos posse viros, magnaue exempla duros,
Vervicum in patria, crassoque sub aëre nasci. ‡*

Huic cùm neutiquam lateret, inenarrabilem non de se, nec de nihilo rebus inesse ordinem, ex Magorum & Ægyptiorum sententia, ad quos exilium potius quàm peregrinationem susceperat, multa in illo Opere de *Providentia* disseruit, quod ei tribuit Laërtius. †

A 2

Illum

* *Possev. in Appar. Sacr.* † *Clem. l. 6. Stromat.*

‡ *Juven. Sat. x. v. 50.* † *Laërt. in vita.*

4 THEATRUM

Illum continuo risu excepisse ineptos cives ferunt: quid non? cùm Providentiam ipse sciret, modum nostris ponere consiliis, & continuo nexu per varias ambages ducere. E contrà cæcutientes videret suos, Numinis curâ neglectâ, infaniente pruritu ad ambitum, ad honores, ad voluptates currere.

Perpetuo risu pulmonem agitare solebat
Democritus. *

Quod quidem ejus institutum adeò probabat *Seneca*, † ut hunc ad imitandum Philosophis præ cæteris proponere non dubitaret; ex quibus

PYTHAGORAS

scenam nostram ingreditur; Vir utique summus, quem *Democrito* modò anteposuissem, [utî tempore prior est] si constaret, ipsum opus de Providentia reliquisse. Agnovisse quidem Fatum, ac Deum providam nostri curam gerere, *Laërtius* autor est: ‡ de scriptis verò ejus, eorumque compilatoribus, magna inter doctos controversia. Sunt qui eum nihil scripsisse asserant;

* *Juvenal. Sat. x. v. 33.*

† *Seneca de Tranquill. Anim. cap. 14.*

‡ *Laërt. in vit. lib. 8.*

rant; * alii varia ipsi tribuunt opera, † de quibus hoc loco multa dicere non vacat. Neque de ejus transmigratione animarum sermo erit, quæ ad literam sumpta, durum animæ imponit fatum, dum illam accipere potest.

Canis immundus vel amica luto sus. †

Sed ut aliis ænigmatibus velavit veritatis faciem, ne populo quem odit philosophia prostitueret, ita & hic sub velo agit.

Quæ verò ejus sententia *de Fato* fuerit, clarius docuisset

CRITO five DAMIPPUS

Pythagoræus, si & hujus liber extaret, quem *de Fortuna* citat *Stobæus*, † qui itidem

E U R Y S I I

nescio cujus librum *de Fortuna* commemorat β, &

HIPPODAMI *Thurii* Pythagoræi
opus *de Felicitate*. γ

A 3

Reli-

* *Laërt. d. l.* † *Jamblich. de vit. Pythag. lib. 1. cap. 19.* ‡ *Horat. lib. 1. ep. 2.* † *Stob. in sentent. Serm. 1. pag. 29. & in Eclog. et hic. de eo quod in nostr. potest.* β *Idem in Eclog. phys. lib. 1. c. 10.* γ *Idem Serm. c. 1.*

6 THEATRUM

PHILO-
SOPHI
STOICI.

R Eliquorum Philosophorum scripta ad *Socratis* ætatem commemorare nulla potero. In Placitis verò de Fato, uti Phisici erant, id est, seduli Naturæ scrutatores, proximè accedebant Chaldæis, acerrimis Fati propugnatoribus. Quorum sententiam nec

SOCRATES,

Græcorum facilè sapientissimus, mutavit; cùm Philosophiam de natura traduceret ad mores, ex agro in urbem; sed necessitatem rerum omnium actionumque statuit, quam nulla vis rumpat. * Hanc Præceptoris sui mentem pluribus profecutus est

ZENO,

Mnasi, seu *Demei* filius, Citticus ex Cypriundus. Hunc Fatum acerrimè propugnasse, quid mirum? cùm fato seu inopino casu, ad studium Philosophiæ fuerit illectus. Mercaturam exercebat, & purpuram ex Phœnicia advehendo, divitias sibi facilius parabat, quàm sanam mentem, ignarus Philosophiæ, & inanis, ut putabat, studii contemtor. Sed, dum lætus aliquando in nave pretiosissimis mercibus onusta Athenas proficiscitur, in Piræeo triste facit naufragium, & omnia pereunt

* *Senec. natur. Quest. lib. 2. cap. 36.*

pereunt bona. Tantâ ille jacturâ animi impotens, cùm per urbem vagaretur, fortè librarii adstitit tabernæ, & *Xenophontis* Commentariorum lectione delectatus, ubi hujusmodi viri degerent quæsit. Prætereuntem digito monstrabat *Cratetem* librarius, in cujus disciplinam illicò concessit, & studio indefesso reliquos condiscipulos brevi temporis spatio, facillè superavit. Quanta ejus fuerit vitæ innocentia, ex proverbio patet, quo continens dicitur, *Continentior Zenone*. Quanta ejus doctrina, ex eo, quòd novam in Philosophia Sectam Stoicorum condere potuerit, quam secuti postmodum sunt Principes civitatum, viri lectissimi, qui fato omnia fieri putabant, quòd iis est connexa rerum series sive ratio, per quam mundus regatur. *

*Adscribunt saxis Lachesis quoque fortia fila,
Tectorumque trabes fufis pendere rotatis
Credunt, atque ipsis tribuunt decreta sigillis. †*

Sive *Senecæ* verbis, ‡ Fata jus suum peragunt, nec ullâ commoventur prece, non misericordiâ flectuntur, non gratiâ. Servant cursum irrevocabilem; ex destinato fluunt. Quemadmodum rapidorum

A 4

acquâ

* *Laërt. in vit. Zenon.* † *Prudent. lib. 1. adv. Symmach.* ‡ *Senec. lib. 2. cap. 35. nat. Quæstion.*

8 T H E A T R U M

aquâ torrentium in se non recurrit, nec moratur quidem, quia priorem superveniens præcipitat; sic ordinem fati æterna series rotat, cujus hæc prima lex est: *Stare decreto*. Hanc sententiam tenuerunt omnes, quibus *Zenonis* Placita arriserunt, *Posidonius* in secundo de Fato, *Chrysippus* in libris de Fato, & *Zeno*, & *Boëthius* quoque in undecimo de fato, inquit *Laërtius*. * Ex quo patet, *Zenonem* nostrum de Fato scripssisse, licet idem Autor, dum reliquorum ejus scriptorum numerum init, ejus ne verbo meminerit, quod quidem excidere nimis occupato potuit, aut librariorum vitium est. Cæterum Præceptoris vestigia, ut diximus, legit

C H R Y S I P P U S,

Apollonii filius, *Solenis* seu *Tarsensis*, insignis ingenii & eruditionis Philosophus, qui, cum omnes scientiarum partes septingentis, ut legimus, voluminibus complexus esset, aliquot itidem libris de Fato egit. In his cum multis argumentis, tum præcipue ex divinatione & oraculis confirmasset implacabile Fatum, surrexit in eum

D I O G E N I A N U S

Peripateticus, & ipsius sententiam coarguit, uti latius, & non sine cura explicat
Euse-

* *Laërt. l. 7. in vit. Zenon. p. 459. ex edit. Meibomii,*

Eusebius, * diversum à *Chrysippo* sentiens, ejusque sententiam, ut nimis rigidam, emolliens.

Hujus æqualis erat

S P H Æ R U S,

Bosphoranus, *Zenonis* itidem auditor & fidelis affecla. Is, cùm *Chrysippus* aulæ fortunam experiri constanter recusaret, attamen quendam ex discipulis à *Zenone* peteret, *Ptolomæus Philopator* in Ægyptum venit, & vacillantis fortunæ ludibria expertus, de *Fortuna* scripsit. † De Fato verò

BOETHI & POSIDONII

Alexandrini commentationes citantur. Alterius meminerunt *Cicero* ‡, *Diogenes* †, *Philo Judæus* β, *Eusebius* γ. Alterum *Suidam* secutus, noli cum *Posidonio* *Apameensi* seu *Rhodio*, *Pompeji* & *Ciceronis* familiari confundere; temporis enim ad-versatur ratio, cùm is, de quo nobis sermo est, *Zenonis* nostri *Cittici* fuerit auditor, qui sub *Antigono* floruit.

A 5

Hi

* *Euseb. Prepar. Evang. lib. 6. c. 7.* † *Laërtius in vit. Sphæri, lib. 7.* ‡ *Cic. de Divinat. l. 1. & 2.*
 † *Laërt. in vit. Zenon.* β *Philo de Mundi Æternit.*
 γ *Euseb. lib. 14. Prep. Evang.*

HI omnes cùm magnâ animi contentione & insolubilibus, ut credebant, argumentis, Fatorum necessitatem conarentur ostendere, extitit

EPICURUS.

E P I C U R U S

Atheniensis, & in reliquos Philosophos recalcitrans, ut pullus indomitus, tritam reliquit semitam, & *de Deorum forma, Dæmonibus & Divinatione, de Peccatorum æqualitate, de Elementorum crasi, de Divisione continui, de Magnitudine siderum*, singulares selegit & edidit opiniones: novæ scilicet Sectæ conditor, laudisque propriæ diligens sectator.

Hinc cùm primò à *Pamphilo* Platonico, & *Nausiphane*, Philosopho Pythagoræo institutus, se Democriteum profiteretur, mox discessit in hortos & nauseabundus cujuscunque Magistri nomen respuit, sibi ipsi præstans omnia, otii magister, cujus adeò studio flagrabat, ut ipsos Deos fingeret otiosos & planè in mundo hospites, vitam degentes sine motu, sine perturbationibus foelicissimam. Sed cùm eo argumento providam Numinis curam impius rejecerit, & in Opere *de Fato* * tueri ausus fuerit, vapulat apud multos, nec immeritò. Invenit tamen *Petrum Gassendum*, virum

* *Lært. in vit.*

virum doctissimum, qui eum, quantum in se est, exculpat, & in Commentariis de ejus vita & ad librum x. *Laërtii* legi meretur.

MEdiam quasi viam elegit

A R I S T I P P U S,

ARISTIPPUS.

genere Cyrenaicus, *Socratis* sedulus auditor, vir ingenio leni omnibusque temporibus accommodato, qui severitatem reliquorum suæ Sæctæ ita temperare noverat, ut *Dionysio* Tyranno longè esset charissimus. Sed regia hæc gratia invidiam pariebat, invidia odium. Malè igitur audiebat apud aulicos, quòd Philosophus; apud Philosophos, quòd aulicus esset, qui omne cum Tyrannis commercium, servitutem & intolerabile jugum interpretabantur, Scholæ potius quàm Aulæ nati.

Hoc secum ac unà rerum humanarum lubricam inconstantiam perpendens, scripsit librum *de Fortuna*. *

SIc ad reliquos *Socratis* discipulos accedimus, inter quos eminet

PHILOSOPHI
PLATONICI.

P L A T O,

homo propè divinus, quo si parem, certè majorem suâ ætate non habuit Græcia.

Ipse

* *Laërt. in vit.*

Ipse quidem non tam sollicitus fuit singulari scripto sententiam suam *de Fato* & *Providentia* explicare; ex mellifluis tamen Dialogis, tum illo, quem *Timæum* seu *de Natura* vocavit, tum quem *de Legibus* scripsit, tum ex aliis, excellens hujus viri doctrina patet.

Quod verò in iis inchoavit ipse, postmodum felicissimè perfecit

X E N O C R A T E S,

*Agathenor*is filius, Chalcedonius, qui semper animo firmissimo & fidelissimo in *Platonem* fuit. Homo continentiae laude & virtutis studio adeò conspicuus, ut injuratum testem admittere Athenienses non dubitarent; licet iidem mox in eum & Philosophiam gravissimè peccarent, cùm vœnundedissent. Hoc an Fato, an suorum nequitia acciderit, in libro quod *de Fato* scripsit *, explicare penitus potuit. Idem octogenarius violento Fato occubuit, ut in veteri Epigrammate est. †

*In pelvim quondam lapsus malè cautus ahenam,
Frontem leſit, & Ω vociferatus obit
Xenocrates, vir ille, qui unus omnibus fuit omnia.*

Eum

* *Laërt. lib. 4. in vit.* † *Idem d. l.*

Eum post aliquod temporis intervallum
in sententia de Fato ferenda secutus est

A M M O N I U S,

celebris Philosophus tam placidi & pacati animi, ut eum Christianis plerique annumerent. *

Sanè cùm unus omnium maximè floret, eodem studio Christiani quàm Ethnici ad eum confluere solebant, ut sub tanto Magistro, arcana Philosophiæ discerent. Fuerunt in his præclarissimi viri, & ex hoc seminario prodierunt fulcra sapientiæ, diligentissimè à se formata. Ejus nomine fertur liber *de Fato*, quem alii fœtum esse supposititium contendunt. †

Hunc

P L O T I N U S

Lycopolitanus per undecim annos sedulò audivit. Vir sanè præclarus, & dignus qui in Schola *Platonis* emineat, virtutis dignissimum exemplar, qui patriâ nobis

Suppeditas præcepta tuisque ex inclyte chartis. ‡

Sapient-

* Bayle in *Diction. critic. Petav. in Ration. Temp.*

† Du Pin dans sa *Biblioth. tom. 1. pag. 249.*

‡ *Lucret. lib. 3.*

14 THEATRUM

Sapientiæ studio primis in juventute annis, non tam delectatus quàm gavifus, cùm Magos Persarum accepisset, facilè doctrinâ superare omnes, nec militiæ nomen dare sub *Gordiano* recusavit, ut unâ Persiam intraret, cui bellum parabat Imperator, virosque in ea celeberrimos conveniret. Rebus verò minus ex voto fluentibus, Romam venit, ibique magna in celebritate versatus est, ad vitæ finem, qui ei anno secundo *Claudii* Imperatoris ætatis suæ sexagesimo sexto contigit. Ejus opera quæ extant, in quibus liber *de Fato* est & alter *de Providentia*, *Marfilio Ficino* interprete prodierunt Basileæ 1580. fol. Hujus vitam nobis tradidit

PORPHYRIUS,

ejus discipulus, cognomine *Malchus* Tyrius & aliis nominibus commendandus, nisi Christianam Religionem virulento calamo libris xv. fuisset adortus. Hanc ejus impietatem detestantes, ipsi tamen inter Philosophos nostros locum denegare non possumus, memores ipsius opus, *de eo, quod est in nostra potestate*, citari à *Stobæo* *. Ejus vitæ fabulam narrat ex antiquis *Eunapius*; ex recentioribus *Lucas Holstenius*. De ejus verò Epistola ad *Abammonem* Ægyp-

* *Stob. in Eclog. moral. cap. ult.*

Ægyptium, in quo de rerum sublimium arcanis tractat, modò in *Jambilicho* dicturi sumus, postquam ob temporis rationem

P R O C L U M

Bizantium, utroque parente Lycio oriundum commemoravero, qui tantâ curâ & assiduitate Philosophiæ operam dedit, ut multis palmam abstulerit, multis reddiderit dubiam. Is, licet aliàs mirâ ingenii lenitate, omnes Sectas veneratione quadam haud vulgari prosequeretur, nec minus Stagyrîtæ sententias, quàm *Platonis* optimè nosset, posterioris Placita tamen præcipuè amplectebatur, iisque consona suis inseruit libris, qui extant. In quibus est præclarum monumentum *de Providentia & Fato*, & de eo, quod in nostra potestate est, ad *Theodorum* Mechanicum, cujus MS. in Bibliotheca *Luæ Holstenii* observavit *Morhofius* *, ex qua vi testamenti translatum est Hamburgi in Bibliotheca Joannæa; ubi ejusdem *Procli* liber *de decem Dubitationibus circa Providentiam* invenitur Latine ex versione *Guilielmi de Morbecka*, qui pæraque hujus Philosophi circa annum 1280. ex Græco transtulit. Vitam *Procli* legere si desideras, extat *Marinus*, ejus discipulus, qui eam haud ineleganter delineavit, quam

* *Morhof. Polybist. pag. 68.*

quam demum *J. A. Fabritius* ex Bibliotheca Gudiana integram edidit Hamburgi 1700. in 4. & cum ipsius Bibliotheca Latina, Londini 1703. in 8.

Quod

JAMBILICHUM

attinet, natus ille Chalcide, Celo-Syriæ urbe celebri, prima literarum & sapientiæ fundamenta sub *Anatolio* didicit; postea institutione & disciplinâ *Porphyrii* tantus in Philosophia evasit, quantus suorum temporum quispiam. Imò verò *Pythagoræ* & *Platonis* mentem neminem ipso rectius calluisse multis persuasum est. Præclara igitur sunt ipsius ingenii monumenta, & præcipuè opus reconditâ eruditione relictum. *De Mysteriis Ægyptiorum*, in quo *Porphyrium* fingit ab *Abammone* Sacerdote apud Ægyptios multa, quæ ad Deum, ad Angelos, ad Dæmones, ad Animas, ad Providentiam, ad Fatum, ad omnes Philosophiæ partes spectant, quævisisse.

His respondet *Jambilichus* sub *Anebonis* persona, discipuli *Abammonis*, & prolixè sententias antiquorum Philosophorum de his producit. *Porphyrii* Epistolam, quantum ex ea superest, servarunt *Eusebius*, *Theodoretus*, *Augustinus*. *Jambilichi* opus primus Græcè & nitidè edidit *Thomas Gale*,

Gale, Oxoniæ 1678. fol. Latinè vertit, etiam & notas adjecit, cùm *Nicolai Scultellii* antiqua versio innumeris scateret mendis.

Inter Platonicos agmen claudat

HIEROCLES;

de cujus vitæ conditione, ætate, scriptis, pugna adversus Christianos, eleganter & accuratè differuit *Pearson*, cùm ipsius libros VII. de *Providentia* & *Fato* Græcè & Latinè, Londini 1673. in 8. prælo committeret. Prodierunt aliàs cum *Notis Merici Casauboni*, Londini 1655. in 12. & recenset eos *Photius* *, ex quo discimus, libro primo exposuisse, quæ ipse apud se de *Providentia*, de *Justitia*, & de *Sententia in nos pro factorum merito ferenda* meditatus esset. Secundo, Platonicas colligere opiniones, suaque ex ipsis Operibus *Platonis* stabilire. Tertio, objectionibus quibusdam satisfacere. Quarto, oracula Sacerdotum & *Platonis* dogmata pro virili conciliare. Quinto, *Orpheo*, *Homero* & cæteris, qui ante *Plat. nem* celebrantur, Platoniam de modò dictis doctrinam tribuere. Sexto, omnes etiam, qui post *Platonem* fuerint, ipse *Aristotele* principe assumpto,

* *Bibl. Cod.* 214. & 251.

18 THEATRUM

sumpto, qui quidem aliquod sibi nomen sapientiæ pepererunt, ejusdem ad unum omnes cum *Platone* esse sententiæ. Quòd si qui consentientes *Platonis* & *Aristotelis* opiniones dirimere aggressi fuerint, eos & nihili homines & fugiendos esse, adulteratores Scriptorum utriusque statuere. Sententiam septimo: ex *Ammonii* disputatione probare, utque *Plotinus* & *Origenes*, imò & *Porphyrius* & *Jamblichus*, & deinceps ordine cæteri, divinâ generatione editi, usque ad *Plutarchum* Atheniensem [quem etiam Autorem talium ipse nominat dogmatum] ut, inquam, hi omnes purgatæ *Platonis* Philosophiæ addicti sint.

PERI-
PATETI-
CORUM
SCHOLA.

R Estat ex Antiquis Peripateticorum Schola, quæ auspiciis

A R I S T O T E L I S

Stagyritæ extitit & mirificè crevit. Quænam ejus de Fato fuerit sententia, dubiis Autores pronuntiant effatis, & veteri formulâ: *non liquet*. *Hieroclem* modò asserentem audivimus eadem cum *Platone* sentire illum *Alexandri Magni* Præceptorem: ac *Cicero* * *Aristotelem* Philosophis annumerat Fatalem in rebus asserentibus necessitatem. Et Autor libri *de Mundo* ad *Alexandrum*,

* *Cicero de Fato.*

drum, qui *Aristotelis* nomen in fronte gerit, diligenter Fatorum ordinem & Parcarum nomina & officia explicat. Nihilominus tamen contrariam probare malim sententiam, cùm uno ore omnes ferè consentiant Interpretes, Fatum Aristotelicum merè esse Physicum, & ex *Lipsii* * & *Pendassii* † sententia: Ordo causarum naturalium, quæ nisi impediuntur, vi & naturâ suâ certum, eundemque producant effectum, sive, ut *Theophrastus* inquit: Fatum esse uniuscujusque naturam. Nodum de libro illo de *Mundo* jam solvit doctissimus *Naudæus* ‡, vivâ illâ suæ ætatis *Bibliotheca*, qui librum de *Mundo Aristotelem* mentiri Autorem multis argumentis probavit, & potius vel ad *Theophrastum* [ut quibusdam placet] vel ad *Nicolaum Damascenum*, vel ad Rhetoricæ Autorem *Alexandrum*, vel ad *Anaximenem*, *Alexandri* comitem debere referri. Alius itidem libellus extat sub nomine *Aristotelis*, de *bona Fortuna*, cujus nec *Laërtius* meminit, nec integra fides est.

* *Lips. de Constant. cap. 18.*

† *Pendass. lib. 2. pag. 25.*

‡ *Naud. de Fato, §. 18. & 19.*

Aristotelis discipulus fuit *Theophrastus*;
Theophrasti,

DEMETRIUS PHALEREUS,

Phanostrati filius, ex *Cononis* familia urbana & nobili oriundus; homo sapientiæ laude præstans *: Disputator subtilis, Orator parum vehemens, ut *Theophrasti* discipulus possis agnoscere †. Is summam prudentiam in Philosophia & Reipublicæ administratione ita Atheniensibus probavit, ut CCC LX. statuas ei decernerent. Sed non multò post populus acer, suspicax, mobilis, adversarius, invidus etiam potentiae ‡, absentem capitis damnavit, statuis disiectis, merfis aut sub hastam venditis, ut vix una in arce reliquorum memoriam conservaret. Exul hinc apud *Ptolomæum*, Regem Ægypti, floruit, cui charissimus erat. Cui cum persuadere tentasset, ut *Eurydices* liberis regnum relinqueret, nec persuasisset, sub *Ptolomæo Philadelpho*, *Berenices* filio, abjectus ad vitæ finem delituit, qui ei ex aspidis morfu nimis serò contigit. Is *de Fortuna*, quæ toties cum eo jugari voluerat, librum unum reliquit †.

* *Pausan. in Att. cap. 23. pag. 43.*

† *Cicer. de Off. lib. 1.*

‡ *Nepos in Timoth.*

† *Laërt. lib. 5. in vit.*

Ex eadem Schola

PHILOPATRUM

de *Fato* scripsisse indicat *Nemesius* ;

POLIZELI

librum de *Fato* citat

ALEXANDER APHRODISIENSIS,

* ipse meritò à nobis commemorandus, magni nominis Philosophus, & *Aristotelis* diligentissimus interpres, quod nec ipsi negant adversarii: *Bessarion* † loco omnium sit: *Quæcunque*, inquit, *tradit Alexander, non secus quàm ab Aristotele acciperemus, judicanda sunt, cum nemo omnium sit, qui libros Aristotelis vel diligentius indagarit, ac rectius exposuerit.*

Hujus libellus de *Fato* ad Severum & Antoninum Imperatores extat, excusus Venetiis 1534. fol. Græcè 1634. fol. Gr. & Latinè, Londin. 1658. in 8. Sententia ejus est inter Sententias Philosophorum, quas collegit *H. Grotius*.

Ex eo Excerpta quædam Græcè reliquit *Mathusala*, Monachus S. Montis Sinai ‡.

B 3

Et

* *Naud. §. 1. de Fato.*

† *Bessarion, lib. 2. Apolog.*

‡ *Lambec. Comn. de Bibl. Vindob. lib. 7. pag. 87.*

Et in MS. Bibliothecæ Scorialensis liber *Aphrodisiensis* nostri ab incerto Autore in compendium erat redactus *: *Hieronymus Bagolinus* Veronensis etiam, & *Joannes Baptista* filius versionem ejus Venetiis 1541. dederunt. *Elegantissimum & doctissimum libellum* vocat *Naudæus* †, qui inventionem sit *fecundus*, *sententiarum pondere gravis*, *argumentorum copiâ nervosus*, *peripateticâ methodo distinctus*, *dignusque omnino Autore Alexandro*. De hujus obitu multa mentiri *Maternum*, quasi de eo improbè *de Fato* scribente pœnas sumserit *Fatum*, *Picus* ‡ autor est.

ROMANÆ
REIPUBLICÆ
PRÆ-
CLARI
CIVES.

TRanseo ad Romanos, in quibus illustris eminet

M. TERENTIUS VARRO,

Vir omnium judicio longè doctissimus, diligentissimus Antiquitatis investigator, ut *Cicero* † inquit: Vir accuratissimè doctus & eruditus, ut *Apulejus* β. Ex Gallia Narbonensi prognatus erat, sed Romæ floruit maximis dignitatibus, maximâque nominis famâ conspicuus, adeò ut hujus
unius

* *Catal. MSS. Msto. Dn. Reitzeri.*

† *Naudeus de Fato*, §. 21.

‡ *Jo. Picus*, lib. 1. in *Astrol.*

† *Cicer. de cl. Orator. pag. 201. edit. Manut.*

β *Apulej. in Apolog.*

unius imaginem eorum qui viverent dignam duxerit *Asinius Pollio*, quam in Bibliotheca primùm ex manubiis publicata, poneret *. Septuagintā hebdomadas librorum scripsisse, quæ quadringenta & nonaginta numerum efficiunt, ipse apud *Gellium* † Autor est. In his fuerunt libri logistorici, ex quorum numero fuit *Marius*, seu *de Fortuna*, cujus *Macrobius* ‡ & *Nonius* † meminerunt.

Hujus amicus & familiaris erat literarum abundantissimus fons, β

MARCUS TULLIUS CICERO,

Arpinas, Princeps Reipublicæ & eloquentiæ Romanæ, qui meis laudibus non indiget. Vereor enim ne talium personarum, cum amplificare velim, imminuam etiam gloriam. γ Eum pleno ore & antiqui deprædicant & recentiores. Is cum civili *Cæsaris* & *Pompeji* bello Rempublicam in pejus rueret, & libertatem exspirare videret, vitæ molestias studio Philosophiæ leniebat. Egregiis ita monumentis, quæ

B 4

nemo

* *Plin. lib. 7. cap. 30. Hist. nat.*

† *Gell. lib. 3. c. 10. Noct. Attic.*

‡ *Macrobius Saturn. lib. 3. cap. 18.*

† *Non. in voc. algo, torquea, modicum, Rapinatores.*

β *Valer. Maxim. lib. 2. cap. 2.*

γ *Cicer. Acad. Quest. lib. 2. edit. 1.*

nemo ante eum eo ordine docuerat, nec erat unde studiosi scire faciliè possent, ea, quantum potuit fecit, ut essent nota posteris *. In his libris *de Divinatione* & *de Natura Deorum*, *de Fato* adjecit unum, sed temporum injuriâ, principio mutilum, in extremo mancum. Prodiit ille in Operibus, quorum editiones *Fabricius* enarrat in *Bibliotheca Latina*. Speciatim cum *Notis Adriani Turnebi*, cum *Commentario Georgii Vallæ*, Venet. 1492. *Achillis Tatii*, Lusitani, Lovan. 1552. in 8. *Petri Rami*, Paris. 1563. in 8. Francof. 1583. in 8. *Aldi Manutii*, 1583. Venetiis in fol. *Salomonis Gesneri*, Witteb. 1594. in 8. *Matthiæ Dresseri*, Francof. 1597. in 8. † *Vitam Ciceronis* multi exponere voluerunt, quorum nomina alio in loco à me citata repetere nolim.

Proximum ab eo locum occupat

LUCIUS ANNÆUS SENECA,

Marci filius, *Cordubensis*, nulla in re *Ciceroni* minor, nisi tempore quo vixit. Ille enim liberâ Respublicâ floruit; noster, cum libido esset pro imperio. Rector imperatoriae juventæ *Neroni* post exilium datus, præ-

* *Cicer. Acad. Quest. init.*

† *Lipen. in Bibl. Philosoph.*

præceptis eloquentiæ & comitate honestâ ci, quantum potuit, consuluit. Sed serpentem in sinu fovebat, & monstrum, quod nec fratri, nec matri, nec ipsi parcere noverât, cum promiscuâ cæde in optimum quemque sæviret. Dubites tamen an in vita, an dum desit vivere, an jam clarior sit, dum nec cineres restant. Clarus erat in vita, in morte constans, post obitum scriptis est immortalis. In quibus eminet aureus libellus *de Providentia*, sive *quare bonis viris mala accidunt, cum sit Providentia*: pars tamen hæc majoris solum est operis, quod publico interfuisset non periisse. Cujus ipse rei testis est sub initium: *Quæstisti à me, Lucili, quid ita, si Providentiâ mundus ageretur, multa bonis viris acciderent mala? Hoc commodius in contextu operis redderetur, cum præesse universis Providentiam probaremus, & interesse nobis Deum. Sed quoniam de toto particulam revelli placet, & unam contradictionem manente lite integra solvere; faciam rem non difficilem, causam Deorum agam. Idem scripsit de Fortuitis, sive de Remediis Fortuitorum, ad Gallionem Poëtam, veluti in Fragmentis inscribi solet. Meminit ejus Tertullianus in Apologetico. **

B 5

Trium-

* Nicol. Anton. in Bibl. Hispan.

Triumvir his accedit

PLUTARCHUS

Chæronensis, vir laudatissimus, *Trajani*, laudatissimi Principis, Præceptor, à quo Proconsulari dignitate ornatus est. Neutri priorum doctrinâ cedit; in scribenda Historia utrumque superat. Bibliothecam ille solus reliquisset, si nobis præclarissimis operibus frui liceret, quorum ultra ducenta composuit, uti narrat *Lamprias* filius in *Epistola de Parentis Scriptis*. Tabulæ tamen ex naufragio supersunt præclaræ, tantique pretii, ut *Theodorus Gaza* interrogatus, si omnes libri mari essent immergendi, quis posterior futurus, *Plutarchi* opera dixerit. In his libri II. inveniuntur *de Fato*, quorum quæ sint editiones, Saxonix ornamentum *Fabritius* in Bibliotheca Græca docet. Scripsit & *de Fortuna*, in quo extat, *Ascanius Centonus Hortensius*.

Præceptor Divi Principis meritò ejus jungimus amicum, *Pasircati* filium,

DIONEM CHRYSOSTHEMUM

Prusæensem, quo ad eò familiariter utebatur *Trajanus*, ut cum eo communi interdum

dum carpento veheretur. * Rhetor & Philosophus insignis, cùm ingenii laudem, quam amplissimam nanciscebatur, ad posteros propagare studeret, plurimas orationes diligenter hinc inde habitas conscripsit, quarum octoginta ad *Photium* pervenerunt, qui earum summa capita eo quo solet studio recenset Codice CCIX. Bibliothecæ. In his tres sunt *de Fortuna*, gratas simul ac philosophicas meditationes exhibentes, & LXXIII. *sapientem fœlicem prædicat*, & ei proxima *de Fœlicitate* disputat. Prodierunt hujus Orationes junctim Parisiis Græcè & Latinè.

Huic suppar si *Vossium* sequimur †, aut sæculo minor, si *Perizonii* ‡ argumentis stamus,

CLAUDIUS ÆLIANUS est,

Prænestinus, Pontifex & Sophista Romanus, *Meliglossus* vel *Meliphthongus* dictus, quòd mellis instar suavem linguam vocemque haberet. Hic cùm se non satis idoneum ad declamationes faciendas sentiret, animum adjecit ad scribendum, atque inde laudem & gloriam amplissimam reportavit. Cùm

* *Suidas*, *Photius in Bibl. Cod.* 209.

† *Vossius de Histor. Græc.*

‡ *Perizon. in Præfat. Ælian. Var. Histor. præmissa.*

Cùm verò , ut Pontifex erat , in *Varia* sua *Historia* res divinas , oracula , poenas maximè impiis divinitùs immissas , * crebrò commemoret , & adversus *Epicurum* & similes librum integrum *de Providentia* & *ejus documentis* , à *Suida* passim laudatum ediderit , non possumus non dignum concedere locum ; postremum quidem inter Romanos ejus ævi , sed qui sui nominis dignitate collucet , ac æquè præclarus est.

Adjicere possem virum in literis summum,

ANIC. MANL. TORQUAT.
SEVERINUM BOETHIUM,

Consulem Romanum , qui *Theodorici* , Regis Gothorum , temporibus floruit , eique à sanctioribus Consiliis fuit ; cùm librum v. *de Consolatione Philosophiæ* nostro argumento impenderit : sed cùm hætenus de iis sermo sit , qui speciatim opera *de Providentia* & *Fato* composuerint , parcior de eo sum , quàm velim ipseque mereatur.

* *Ælian. Var. Hist. lib. 2. cap. 31.*

Diximus

DIximus de *Hermete*: clarissimos ex Græcis Philosophos, *Democritum*, *Pythagoram*, *Socratem*, *Epicurum*, *Aristippum*, *Platonem*, *Aristotelem* cum discipulis recensuimus; literarum Principes apud Romanos in nostro argumento produximus: jam prodit Judæus, sed qui ultra Judæum sapit,

P H I L O

PHILO
JUDÆUS.

Alexandrinus, *Alexandri* Alabarchæ [quæ prima erat dignitas inter Judæos] frater, & patriæ ob motam seditionem ad *Cajum* Cæsarem legatus. Is opus de *Providentia* posteris, *Hieronymo* * & *Suida* † Autoribus, reliquit, quod hætenus editum non est, licet extet & in Codice Mst. Bibliothecæ Vaticanæ, observet *Possevinus* ‡, quod vellem tineis & blattis eriperet viri docti manus, aut ad *Benzelium*, Bibliothecarium Upsaliensem, perveniret, quem novam *Philonis* editionem, moliri audio. De *Philonis* moribus institutisque diceret *Leo Allatius* singulari Dissertatione, si nec ipsa eodem quo *Philonis* opus premeretur fato.

* *Hieron. de Script. Eccles.*

† *Suidas.*

‡ *Possevin. in Appar. sacro.*

Ex

30 THEATRUM

CHRISTIANÆ
RELIGIONIS
ANTISTITES.

EX Christianorum Præfulibus infulatis
primo loco prodit

BARDESANES

Syrus, ex Edeffa, urbe Mesopotamiæ, oriundus, qui summam Chaldaicæ doctrinæ perfectionem & absolutionem adeptus, * calamus strinxit in ABDIAM Astronomum, Chaldæorum Placitis nimis anxie inhærentem, cujus meminit *Epiphanius*. Hac mente Dialogum conscripsit *de Fato*, & ad *Antoninum* Imperatorem misit †, nullum illud esse asserens & fatuum, magnâ scilicet concitatione in Astrologos Chaldæosque incurrens. De hoc *Barde-sane*, ejusque affectis differuit nuper *Wittebergæ Fridericus Strunzius*. ‡

Huic à latere hæret

TERTULLIANUS,

sive *Qu. Septimius Florens Tertullianus*, Presbyter Carthaginensis, qui tum alia multa fœcundi ingenii monumenta posteris reliquit, tum etiam librum *de Fato*, qui tamen intercudit. Meminit ejus capite xx. de Anima & *Fulgentius Placiades* de

* *Euseb. lib. 6. cap. 8. Præpar. Evangel.*

† *Du Pin, tom. 1. Bibl. Eccles.*

‡ *Witteb. 1710. in 4.*

de vocibus antiquis. De ejus vitæ fatis ac doctrina, quod vir acris & vehementis ingenii *Montani* hæresin secutus sit, * & quæ his sunt similia, nihil repeto. An enim & hoc fato evenisse, quis crediderit?

Tertulliano suppar fuit

MINUTIUS FELIX,

gente, ut videtur, Afer, insignis Caufidicus Romanus. Scripsit Dialogum Christiani & Ethnici Disputantium, qui inscribitur *Octavius*. Sed & alius sub nomine ejus fertur *de Fato*, vel contra Mathematicos, qui cùm sit & ipse disertus hominis, non tamen mihi videtur cum superioris libri stylo convenire, inquit *Hieronymus* †. De ejus vitæ fabula & scriptis adeundus *Franciscus Balduinus*, Cantabrigiæ 1707. in 8.

Floruit itidem seculo III.

O R I G E N E S

Alexandrinus, *Adamantinus* dictus, *Leonidæ* filius, tanti in Religione Christiana fer-

* *Hier. de Script. illust. c. 53. Cave de Script. Eccles.*

† *Hieron. de Vir. illust. cap. 58.*

fervoris, ut sedecim annorum puer martyrium subire paratus esset, ni vestes abstulisset provida mater. Captivum patrem tamen ad mortem constanter pro fide ferendam pro viribus incitavit. Quare *Hieronymo*, minus aliàs ipsi amico, Vir magnus audit. * Hujus paupertatem amisso parente, omnibus bonis ab infantia fisco addictis, pia matrona opibus affluens sustentavit. Cui tamen nullam amplius creaverit molestiam, postquam Grammaticam docere potuerit. Postea Alexandria Christianam Religionem docuit instituendo ignaros, ad bellum usque, quod *Caracalla* Imp. in Alexandrinos parabat. Tum in Palestinam discedens, ab Episcopis ejus loci Sacerdotio insignitus est. Quod tantâ invidiâ incendit *Demetrium*, Episcopum Alexandriae, ut omnem lapidem in ejus periculum moveret, & missis literis de hæresi accusaret. Persuasit quibusdam, uti vulgatum est, *Calumniare audacter semper aliquid hæret*: sed Episcopi Palestinæ, qui optimè noverant, è contrâ firmiter protegabant, apud quos cùm *de Fato* scripsisset, multa pro Religione Christiana passus placidè obdormivit. †

* *Hieron. Epist. 65. ad Pammachium.*

† *Du Pin, de Script. Eccl. tom. 1. pag. 121.*

Cave, de iisd. pag. 55.

SEculo IV. Imperatoria pietas commendanda est, dum

HELENAM FLAVIAM Augustam,

Constantini Chlorig Imperatoris uxorem,
[non concubinam, ut quidam perperam
opinantur *] *de Providentia Dei* librum
unum reliquisse legimus. Eiusdem filio

FL. VALERIO CONSTANTINO,

cognomine *Magno*, Cæsari Augusto liber
de Providentia Dei tribuitur. † Sed vis
dicam sententiam, splendido scripta no-
mine potius utuntur, ad aucupandam qua-
lemcunque auctoritatem, quam ut certò
constet illius ipsius ea esse. Quid Impera-
tor tot bellis implicitus, tot sanguine con-
sperfus, & hostium & suorum cæde madens,
qui reliquum quod erat temporis, ornatui
Constantinopolis impendit; quid, inquam,
de Providentiæ arcahis scripto reliquisset?
Nova tum, credo, illum incessit Religio,
cujus, etsi Christianæ nomen dederat,
tenacissimus non erat. Sic veluti aliorum
summorum virorum nominibus quædam
C sup-

* *Euseb. n. 2322. Oros. lib. 7. Beda, lib. 1. cap. 8.*
Rerum Britan. Zosimus lib. 2.

† *Baleus Cent. 1. pap. 11. & Pitseus de Script. An-*
glicis.

supposita gloriantur opera, ita *Flavie Helenæ* & *Constantini* Imperatoriâ Majestate superbiunt libri, quos tantum titulo novimus.

Provincia hæc piis potius Ecclesiæ Patribus, & acutis è Schola Philosophis demandanda est, qui ejus curam haud negligerenter gesserunt.

Nam eâdem ætate

EUSEBII

præclarum eluxit ingenium, *Pamphili* dicti ob arctissimam cum *Pamphilo* Martyre amicitiam. Is, cum Episcopus Cæsariensis in Palæstina esset, tum aliis egregiis scriptis posteris profuit, tum magnifico opere, quod *de Preparatione Evangelica* scripsit. In hoc dum sibi ad *Demonstrationem Evangelicam* viam parat, errores Gentilium confutare, ex ipsis, quibus hauriebant, fontibus, constituit; atque ita *Fato* inevitabili totum librum v. i. impendit, ut illud tum validis argumentis, tum auctoritate clarissimorum hominum expugnaret ejiceretque.

Acriter

Acriter itidem Fatum impugnavit

D I O D O R U S,

sive *Theodorus*, Tarfi Episcopus, Sacerdos & Religiosus Antiochenus, discipulus *Silvani* Tarfensis, Magister *Chrysothemi* & *Theodori Mopsuestæ* *; libris VIII. adversus *Astronomos*, *Astrologos*, & *Fatum* editis. Recenset eos latissimè *Photius* †, & quidem ipse animam eripit *Fato*, corpus ei subjicit. Deinde *Astrologos Fati assertores* acriter infectatur, & multis argumentis oppugnat; præsertim eos qui *JESUM Salvatorem nostrum sub certo cæli signo natum crediderant*. Quos postea tamen *Albumasar* Arabs, & ex Christianis *Tiberius Russilianus*, *Petrus d'Alliaco*, & *Cardanus*, geniturâ Christi constructâ, sequi non erubuerunt. Eundem librum edidisse de *Providentia* adversus *Platonem*, *Suidas* Autor est.

Proximus ei

G R E G O R I U S,

Episcopus *Nyffenus*, qui delitiis mundi obsecutus, diu *Rhetoricam* docuit; post-

C 2

modum

* Du Pin, dans sa Bibl. Eccles. tom. 2. pag. 237.

Cave, de Script. Eccles. pag. 152.

† Phot. Cod. 223. Biblioth.

modum religiosæ se addixit vitæ, & Episcopatum obtinuit, sed turbulentum, & quo gaudere non poterat. Jussu enim Imperatoris *Valentis* in exilium abiit, in quo ad annum CCLXXVIII. vixit; donec mutato rerum statu cum aliis Episcopis dignitatem pristinam recuperaret. Tractatus ejus *adversus Fatum* in operibus diversis temporibus editis extat, & Mistum. ex Bibliotheca Cæsarea commemorat *Lambecius*. * In hoc præcipuè Astrologos impugnat, qui astris eorumque influentiis, nos nostrasque actiones duro nimis adstringant vinculo. †

Fuerunt quidem & alii Fati Chaldaici hostes: omnes enim, qui *Astrologiam* & *præsciendi artes* impugnarunt, summo id egerunt studio; quos cùm *libro singulari* recensuerim, jam in scenam revocare non vacat.

Pergo igitur ad

J O A N N E M, cognomine

C H R Y S O S T H E M U M,

Antiochenum, virum pium, & scriptis in Ecclesia clarissimum, Diaconum & Presby-

* *Lambec. lib. 4. Comment. de Bibl. Vindob.*

† *Du Pin, dans sa Bibl. Eccles. pag. 222.*

byterum in patria, Episcopum Constanti-
nopolitanum *. Is inter alia quinque Ho-
milias *de Providentia* & *de Fato* scripsit.
Nam quanquam sex numero sint, tamen
sexta *de Ingluvie* potius inscribenda. †
Extant præterea tres ejus Epistolæ ad
Stagyrum de Providentia Divina.

SEculo v.

S Y N E S I U S,

Ægyptius, genere Pentapolitanus, ex
regione Cyrenes, Philosophus Platonico-
Christianus, Episcopatum Ptolomæidis
obtinuit, licet ipse *corporis resurrectionem*
negaret, *venandi studio impensè delectaretur*,
nec uxorem, quam tenerrimè amabat, *di-*
mittere vellet. ‡ *Theophilus* tamen Alexan-
drinus ad summi Sacerdotii dignitatem
eum evexit, habito respectu, inquit *Pho-*
tius †, ad aliam viri probitatem vitæque
actæ integritatem. Scripsit Ægyptium,
seu *de Providentia* libellum, qui in operi-
bus à *Dionysio Petavio* Lutetiæ 1612. fol.
editis invenitur.

* Du Pin, dans sa Biblioth. tom. 3.

† Cave, de Scriptor. Eccles. pag. 178.

‡ Nicephor. Hist. Eccles. lib. 14. cap. 52.

† Photius, Cod. 26. Biblioth.

Neque minus celebris

D. AUGUSTINUS est,

Apud Hipponenses sacrorum Præful, qui delicta probosæ juventutis, sanctâ & decorâ vitâ emendavit, & factis scriptisque Ecclesiam, quam prius contempserat, bonos docendo, malos arguendo, egregiè illustravit. Tractatus is de *Præscientia Dei* composuit, de *libero Arbitrio*, de *Prædestinatione*, qui hodiernum in variis Operum ejus editionibus non sine fructu leguntur.

De ejus doctrina cùm variæ obortæ lites essent, acerrimè eum defendit

TYRO PROSPER,

Laicus, ex Aquitania oriundus, vir in Theologia probe versatus. * Qui quoque carmen de *Divina Providentia* edidit, licet viri docti alteri cuidam non cassâ ratione adscribere malint, † à Pelagiano fortasse quodam conscriptum. ‡

* Du Pin, *Bibl. Eccles.* tom. 4. pag. 181.

† Barth. *Advers.* lib. 18. cap. 10. pag. 909.

‡ Cave, de *Script. Eccles.* pag. 247.

Præ-

Præterea

S A L V I A N U S,

si non Episcopus Christianus, [de quo alii dubitant] certè Presbyter Massiliensis, scripsit libros VIII. *de Gubernatione & Providentia Dei*, quos aureos vocat *Naudæus**. Contenta eorum enarrat *Elias Du Pin*†. Prodierunt verò Paris. 1570. curâ *Joannis Alexandri-Brassicani*, & excusi sunt in splendida illa *Bibliotheca Patrum*.

T H E O D O R E T U S

denique, Antiochenus, *Theodori Mopsuestæ* discipulus, nobis commodè occurrit. Episcopus ille Cyrenes, *Isidori* recentis defuncti loco constitutus, dùm illum obortis cum *Cyrillo* aliisque de Orthodoxia controversiis, ditione suâ excedere prohibet Cæsar, ipse verò nihilominus audacter Synodum adit Ephesinam; Episcopatum perdit, & privatim vivere jubetur. Postmodum sub *Marciano* dignitatem pristinam recepit, & placidè in ea septuagenario major obdormivit, cùm scripsisset Sermones x. *de Providentia Divina*, quam

C 4

quin-

* *Naud. in Biblioth. Polit. pag. 36.*

† *Bibl. Eccles. tom. I v. pag. 215. Cave, de Script. Eccles. pag. 245.*

quinque prioribus probat, *ex dispositione admirabili corporum cœlestium, mirabili ordine elementorum, ordinatione partium corporis humani, inventione artium, regimine hominum.* Tribus sequentibus, objectionibus satisfacit adversariorum, & decimo divinum amorem in Incarnatione Filii extollit. Edidit *Majoranus* 1545. transtulit etiam *Gualterus.* *

SCRIPTORES
SÆCULI
XII.
XIII.

SÆCULO XII. claruit

PETRUS BLESENSIS,

&
XIV.

vel *de Blets*, natione Gallus, sive, ut alii putant, origine Anglus, apud quos magnâ floruit nominis famâ, & ab *Henrico II.* Rege Archidiaconatum Bathonensem, Londinensem & Cantuariensem diversis temporibus obtinuit. Suavitate orationis insignis composuit *de Præstigiis Fortunæ* libros II. † editos cum aliis ejus operibus Moguntiaë 1600. curâ *Joannis Busæi*, S. J. qui Vitam Autoris iis præmisit.

* *Du Pin*, *Biblioth. Eccles.* tom. IV. pag. 108.

Cave, *de Script. Eccl.* pag. 225.

† *Baleus Cent.* XIII. pag. 130.

Hic

Hic Comitem meritò adsciscit

THOMAM AQUINATEM

Clericus Clericum, virum nobilissimum, ex Comitum d' *Aquino* prosapia oriundum, *Angelorum Doctorem*, & *Doctorem Angelum*, uti vocabant Scholastici. Egregius hic Neapolitanus cùm *Alberti*, cognomine *Magni*, nobilissimam esse famam audiret, cupidè in Germaniam abiit, seque instituendum illi dedit. A quo cùm omni doctrinæ laude ornatus recessisset, Fratribus Ordinis Prædicatorum accessit, tantâ vitæ integritate & humilitate cordis, ut Archiepiscopatum Neapolitanum à *Clemente IV.* Pont. Max. ei oblatum, modestè recusaret, & literis, quas perditus amabat, immori mallet. In his cùm indefessa hujus viri esset diligentia, plurima scripsit seculo profutura, interque alia opusculum *de Facto*, quod legitimis [nam sunt & spuria ei supposita] accensetur operibus. *

Cùm denique confecisset extremum vitæ diem, relatus est inter Sanctos, ejusque scripta peculiare Doctorum genus produxerunt, qui *Thomistæ* dicti sunt, celebri in Schola nomine.

* *Toppi Biblioth. Neapol. Jov. in Elog. Bellarmin. Du Pin, Cave, de Script. Eccles.*

Egregium Magistrum non minor sequitur discipulus,

ÆGIDIUS COLUMNIUS,

seu ob Patriam *de Roma* dictus, ex nobilissima *Columnensium* familia. Literis, quas sub *Aquinatæ* perceperat, clarissimus ob mirum in eruenda veritate ingenium *fundatissimi* nomen est assecutus, *Prætor* etiam & *Puppis Theologorum* dictus. *Philippi Pulchri*, Gallorum Regis, studia moresque prius temperavit; postea ei charissimus, Archiepiscopale diadema apud Bituricenses obtinuit, ut unâ Primas Aquitaniæ, & Ordinis Eremitarum S. *Augustini* Prior generalis esset. Purpuratis Patribus annumerandus, intercessit Avenione 1316. mors implacabilis, & vitâ & tanto honore privavit, cum commentatus esset *de bona Fortuna*, cujus MS. erat in Bibliotheca Scorialensi, * & est Cantabrigiæ unum & alterum exemplar. † Inter Sanctos & hic postea locum invenit. Ei Lutetiæ præclarum positum est Epitaphium. ‡

* *Catal. MSS. Manuscript.*

† *Catal. MSS. Angl. & Hibern. n. 1702. & 1716.*

‡ *Mandof. Bibl. Rom. Cent. III. Possess. in App. Sacr.*

Apud

Apud Græcos hoc sæculo floruit

NICEPHORUS GREGORAS,

qui præter alia *de his*, qui calumniantur *Astronomiam*; & *de Astronomia ad eos*, qui *Fatum statuunt*, scripsit; quæ in Bibliotheca quadam Italiæ in MS. Codice extare, fidem facit *Gaddius*. *

Apud Anglos circa annum 1328.

NICOLAUS TRIVETHUS,

claris parentibus in Comitatu Norfolciensi ortus, Ordinis S. *Dominici* sectator. Vir vitæ Sanctimoniâ conspicuus, eruditionis varietate clarus, Poëta, Rhetor, Historicus, Mathematicus, Philosophus, & Theologus insignis. Obiit cùm scripsisset *de Fato*, quod opus cum aliis opusculis Theologicis in MS. Codice Bibliothecæ Oxoniensis publicæ extabat tempore *Pitsei*. †

* *Gadd. de Script. non Eccles. Part. 2. pag. 104.*

† *Pitsf. Relation. Histor. de Reb. Anglic. t. 1. n. 490.*

Nec

44 THEATRUM

Nec minimum quoque auxilii repositum
est in libris *de Providentia*

THOMÆ BRADWARDINI;

quoniam in illis pari fermè cum D. *Thomam* subtilitate & rationum pondere procedit, inquit *Naudæus*. * Erat ille natione Anglus, & *Doctor profundus* dicebatur, qui cùm Oxoniæ in Collegio Mertonensi educatus esset, Procuratoris functus est munere, & Doctor Theologiæ insignitus. Postea *Eduardi III.* Regis Confessionarius constitutus, ejus liberalitate ad Canonicatum Lincolnensem, & Cancellariatum Ecclesiæ Londinensis Paulinæ, imò ad Archiepiscopatum Cantuariensem ascendit: sed postremum honorem quadragesimo die implacabile rapuit fatum. †

ENGELBERTUM,

Germanum, Abbatem Cœnobii Admontensis, circa annum 1346. *de Divina Providentia* scripsisse, apud *Possevinum* invenio. ‡

* *Naud. Biblioth. Politic.*

† *Wharton ad Cave, de Script. Eccles. pag. 28.*

Pope - Blount in Cens. celebr. Autor.

Pisæus Relat. de Rebus Angl.

‡ *Possevin. in Appar. Sacro.*

FRAN-

FRANCISCI PETRARCHÆ

nomen quod proximum est meâ commendatione non indiget. Natus ille erat anno 1304. Arezzi Patre Florentino, sed exule. Solidis ille jactis literarum fundamentis, Avenione sedem posuit, & quas perceperat scientias, alios docuit, donec Patavii Canonicatum adeptus anno 1344. mortalitati valere diceret & plaudere. An noster stuprum sororis à *Benedicto XII.* Pontifice oblatum si probare voluisset, purpuram sperare potuisset, affirmat *Hieronymus Squarzasichus* in vita ejus, alii ei & purpuram & sororem denegant. * Scripsit *de Remediis utriusque Fortunæ*, cujus MS. erat in Scorialensi Bibliotheca. Prodiit Lugduni 1577. & 1595. in 16. apud *Jean le Preux*, & in operibus 1554. & 1587. Roterodami etiam 1649. in 12. Ejusdem liber *de Casibus Virorum illustrium* in Msto. Cod. 840. Bibliothecæ Colbertinæ † extabat.

* Pope - Blount in *Cens. Whart. ad Cav. de Script. Eccles.* pag. 29. Du Pin in *Bibl. Eccl.* tom. x.

† Oudin. ad *Bellarmin. de Script. Eccles.*

SÆCULO XV. CIRCA ANNUM 1440. CLARUIT

JOANNES LYDGATUS;

Suffolciensis, Anglus, Ordinis S. *Benedicti* in Monasterio S. *Edmundi* in dicto Comitatu, qui in itinere per Galliam & Italiam utramque regionem nominis sui famâ implevit, & *de Fortuna* scripsit. *
Is Burie inter Monachos tale habuit Epitaphium: †

*Mortuus saclo, superis superstes,
Hic jacet LYDGAT tumulatus urnâ,
Qui fuit quondam celebris Britanna
Famâ pœsis.*

Rarum quoque hujus sæculi decus fuit

ÆNEAS SYLVIUS,

Toscanus, Senensis, ex familia *Piccolominea*, cujus vitam *Virgilius* cecinit, ut vates,

Sum Pius Æneas, famâ super athera notus.

Nam cùm literas summo studio & pari integritate vitæ coleret, primùm ex summa doctrina,

* *Ghilini in Theatr. Viror. illustr.*

† *Baleus de Script. Angl. Cent. VIII. pag. 587.*
Pitfeus de Script. Angl. pag. 634.

doctrina, postea ex summis dignitatibus coepit esse celeberrimus. Intererat Concilio Basiliensi, & doctè Papam Concilio esse inferiorem probabat; postmodum, Episcopus Tergestæ, Archiepiscopus in patria, Cardinalis titulo Sanctæ Sabine, & demum Pontifex nomine Pii II. factus, Pius damnavit, quod probasset *Aneas*. Scriba aliquando summus Imperatoris *Friderici III.* fuit, ad quod officium nemo admittitur, nisi honesto loco natus, & fide & industriâ cognitâ. * Ac tum multis legationibus functus est, tum præclarissima composuit pro seculi genio Opera, in quibus liber est *de Præscientia Dei & de Fato*. † Nec non *de Remedio Fortuitorum*, cujus MS. erat olim, priusquam alienos lares sequeretur, in instructissima Bibliotheca *Marquardi Gudii*.

Eodem tempore magna erat

GEORG. GEMISTI PLETHONIS

fama & celeberrimum nomen, quamvis in Peloponneso maximam vitæ partem transegerit. Insignis hic Philosophus, & Mathematicus, nec minor Theologus, à Græcis ad Concilium Occidentale

* *Cornel. Nepos in Eumene.*

† *Bergomensis in Chron. & Vitarum Pontif. Scriptor.*

tale missus est, ut cum Pontificiis de Religione conferret. Tantam ille doctrinam pietatemque in arduo hoc negotio præ se tulit, ut suis abundè satisfaceret, & adversarios in admirationem sui tum suavitate morum, tum scriptorum elegantia raperet. In his volumen *de Fato* est, cujus MS. erat apud *Leonem Allatium*, qui ejus editionem moliebatur. * Aliud MS. ex Bibliotheca Vindobonensi profert *Lambecius*. † Fuit aliud in Bibliotheca Scorialensi: ‡ aliud in Bibliotheca Augustana †. Naturæ debitum demum centenarius vitæ satur perfolvit. β

Ab hoc proximum meretur locum

COLLUT. PIERIUS SALUTATUS,

è Stignano vico Florentini agri, è familia *Salutatorum* oriundus, qui *Urbano V.* & *Gregorio XI.* summis Episcopis fuit primò à secretis, postea Reipublicæ Florentinæ Scriba sacer, quem Cancellarium vocant. Is cum Poëta laureatus & eloquentissimus Orator esset, *de Fato* & *Fortuna* eleganter scripsit, uti MSS. passim testantur. Horum alterum

* *Naud. de Fat. pag. 160.*

† *Comment. lib. 7. pag. 82.*

‡ *Catal. Manuscriptor. Manuscript.*

† *Whart. ad Cav. Script. Eccles. pag. 79.*

β *Allat. de Georg. pag. 385.*

alterum in membrana erat in Bibliotheca
 Canonorum S. *Joannis* Patavii; * alterum
 Florentiæ; † aliud in Collegio S. *Benedicti*,
 Cantabrigiæ ‡. Opera prodierunt,
 Venet. 1542. & alibi. Sed cum in hoc
 libro, quædam [licentiâ forsan, ut ajunt,
 poëticâ] non satis consona veritati edi-
 disse, contra cum insurrexit

JOANNES DOMINICUS,

Purpuratus Ecclesiæ Pater, & opusculum
 edidit inscriptum: *Locutus nobis*. †

NICOLAUS DE CUSA,

à vico natali ad Mosellæ ripas in Trevi-
 rensi Diœcesi dictus, pauperculi Piscato-
 ris filius, S. Theologiæ & Decretorum
 Doctor, post varias dignitates & officia in
 Purpurato Collegio nomine S. *Petri ad*
vincula locum meruit, & Episcopus Bri-
 xiensis constitutus est. Sed *Sigismundus*,
 Dux Austriæ, indignè, ut volunt, ferens,
 Cardinales jure commendatio Episcopa-
 tus obtinere, sive aliis de causis; tantâ per-
 D seve-

* *Thomas. in Biblioth. MSS.*

† *Pocciant. de Script. Florent. pag. 421.*

‡ *Num. 1469. Catalog. MSS. Angl. & Hibern.*

† *Possevin. Appar. Sacr. Wharton ad Cave de Script.*
Eccles. pag. 41.

severantiâ sede depulsum profecutus est, ut nec Apostolici Decreti fulmen iterum iterumque Principi immissum, in illa restituere potuerit; sed *Cusanus* demùm captus, renuntiatione dignitatis, libertatem redimere coactus est. * Tum *de Fortuna*, quam expertus erat, commentatus est; † & anno suo climacterico, mortalitatis leges implevit.

Quibus anno 1474. fatisfecit

JOANNES STANBERY,

Carmelita, Magister Oxoniensis, S. Theologiæ Doctor, Confessionarius Regius, & Episcopus Bangorensis; postea Ecclesiæ Heresfordensis Præsul, Vir præclaris animi dotibus imbutus, virtute & eruditione spectabilis, omnium Carmelitarum in Anglia suo tempore, ut habet *Lelandus*, facilè Princeps. ‡ Is Commentarios *de Fato & Fortuitu* edidit.

* *Wharton ad Cave pag. 88.*

† *Bergomens. Chron. lib. 15. pag. 398.*

‡ *Pitsæus in Memor. Angl. Baleus Cent. 8. pag. 612.*
Trithemius de Script. Eccles. Gesner. in Bibl.

Quem

Quem proximè sequitur

JOAN. WESSELUS HERMANNI,

Groningensis, qui & *Bafilus*, cognomento *Gansfortius*, *Lux Mundi* dictus est. Hujus opus *de Providentia Divina* anno 1476. prodit. *

HAc tempestate *Cosmus* I. magnus Hetruriæ Dux, literas paterno fovebat animo, earumque decus præcipuè curæ cordique habebat. Doctissimum igitur quemque, dignis præmiis illectum, secum habere cupiens, in eorum commodum Laurentianam Bibliothecam splendissimè instruxit; copiosissimè auxit, ejusque curam

BACCIO BALDINO,

viro doctissimo, Archiatro suo, benignè obtulit, cujus *Discursum de Essentia Fati* olim extitisse, ex Notitiis literariis & *Historia illustrium Virorum*, *Academiæ Florentinæ* discimus. †

* *Wharton ad Cave de Script. Eccles. pag. 104.*

† *Act. Lipsiens. Erud. anno 1701. Nov.*

52 THEATRUM

Hoc loco celebranda

THEODORI GAZÆ

splendidissima in literarum cultu merita. Hujus qui ignorat nomen, jam dignus est, qui nesciat: cùm omnium calculo ex doctissimis unus sit, quos Turcarum barbaries, Bono publico, ad literarum incrementa, relictâ patriâ, ad exteros fugere coëgit. Italia hos excepit benigna verca, & advenas ad suum decus, ut indigenas, adhibuit, qui dignissimis scriptis & proprium nomen, & terræ hospitæ benignitatem ad posteros transmiserunt. In quibus *Gaza* multa fœcundi ingenii monumenta reliquit, & cùm *Fata* expendisset sua, *de Fato* scripsit, quem Tractatum MS. præclara servabat *Is. Vossii* Bibliotheca. * Eo cum paucissimis frui liceat. Intereâ evolvi poterit

PHILIPPI BEROALDI,

Bononiensis, insignis Philologi, Oratio *de Fœlicitate*, quæ Bononiæ anno 1495. & 1502. in 4. est excusa. Ejusdem MS. *de Fortuna* illustris servat Bibliotheca Guelpherbyana.

* *Catal. MSS. Anglia, tom. 2. n. 2266.*

Apud

A Pud Germanos sub initium sæculi XVI. VIRI
SÆCULO
XVI. CE-
LEBRES.
anno ipsius decimo sexto mortalita-
tis leges implevit

JOANNES TRITHEMIUS,

aliàs *Heidenberg* dictus, literarum restaurator foelicissimus, orbisque eruditi magnum decus. Ingenio enim pereximio & arcanas obscurasque evolvit scientias, & res gestas egregiè tradidit, & in Theologiæ mysteriis explicandis ita versatus est, ut anteponatur ei nemo, pauci etiam pares putentur. Non igitur celeberrimi Abbatis hujus fama in Cœnobio Spanheimensi, aut S. *Jacobi* Peapolitano includi potuit, sed plurimis clarissimis operibus nomen sibi vix interitum comparavit, in quibus, *Tractatus de Providentia Dei*, Altorfii 1611. in 8. excusus est. * Licet *Heidel* (quod sanè miror) ejus non meminerit, qui diligenter aliàs multa de nostro Autore notavit. †

* *Wharton ad Cave de Scriptor. Eccles. pag. 115.*

† *Heidel, in Steganogr. Trithem. referata.*

Ei dignus accedit comes,

JOAN. JOVIANUS PONTANUS,

nobilis Umber, qui cùm Patrem seditione quâdam infœlix amisisset, Neapolim inops petens, ea de se virtutis doctrinæque dedit specimina, ut Rex *Ferdinandus* educationem filii illi committere non dubitaret. Idem post obitum *Panormitani*, Scriniis Regiis præfuit, donec ob favorem Gallorum, qui sub *Carolo VIII.* bellum in Italia gerebant, accusatus à malevolis, regiâ excideret gratiâ. Is dignitates ei aulicas auferre potuit, non viri doctissimi famam, quam egregiis sibi commentationibus acquisiverat, in quibus & illa *de Fortuna* & *suo Euticho* est. Ac sanè extant ejus libri III. *de Fortuna* in operibus apud *Aldum*, Venetiis 1548. in 4. tribus voluminibus excusis. Ipse septuagesimo septimo ætatis anno, sæculi tertio, passus est quod natura voluit, & si non splendide, placide obdormivit. *

Hunc certatim deprædicant eruditi,
nec minus

JOAN. PIERIUM VALERIANUM,

Bellunensem, virum optimum, liberorum
fratris *Clementis VII.* Pontificis Maximi,
Præ-

* *Jovius in Elog. Teissier ad Elog. Thuan.*

Præceptorem. * Elegantis ille ingenii specimen in libello *de Infœlicitate Literatorum* dedit, qui Amstelodami 1647. in 12. & cum ipsius *Hieroglyphicis* sæpius prodiit. Hujus argumenti ubertas & copia *Cornelium Tollium* induxit, ut observationibus suis altero tantum augeret. Utërque tamen non spicilegium, sed messem exemplorum reliquit; quis enim eorum est numerus, cum quibus *Fortuna* *jocatur*, *insolentem ludum ludere pertinax*? Horum non pauca in Mito. notata moriens reliquit *Andreas Gryphius*, & de supplemento olim cogitabat *Albertus zum Felde*, S. Theologiæ Doctor, & Professor Kilonienfis.

Sed adhuc sua messis in herba est.

Utinam gravissima, quibus urgetur, negotia, amœnis plus temporis concederent Musis, haud infœliciter, & hæc & alia multa exspectare ab eo possemus.

Ipsc ad Hispanos divertor, apud quos

JOAN. GENESIUS SEPULVEDA,

Cordubæ anno 1491. natus est; postea verò Romæ in *Alberti Pii*, Carpenfis Principis, familia aliquandiu substitit. Is cùm

D 4

ca

* *Ghilin. in Theatr.*

ea attigisset tempora, quibus *M. Lutherus* doctrinam Ecclesiæ Romanæ ad incudem revocabat, ipse cum aliis multis auram aulæ Pontificiæ captans, se ei opposuit, & *libros III. de Fato & Libero Arbitrio* Romæ 1526. in 4. edidit, ut ejus sententiam in hoc argumento impugnaret. Quod cum studium placuisset suis, ita ipsum *Carolo V.* Imperatori commendarunt, ut Historiam Vitæ suæ Cæsar illi scribendam committeret, apud quem vixit, & octogenario major tandem in Hispania obiit. * Vita, ex scriptis propriis collecta, Operibus Coloniae 1602. in 4. excusis præmittitur, ne plura repetam. Viam enim ad acerbum itidem *Lutheri* inimicum paro,

CONRAD. COCUM WIMPINAM,

celebrem Theologum Lipsiensem, & Academiæ Viadrinæ primum Rectorem, † qui *libros III. de Fato, de Providentia Divina* alios tres, & *de bona Fortuna* libros II. Francofurti 1528. folio edidit; sed iis vix per annum, vel ut alii, biennium superfuit:

Omnes una manet nox,

Et calcanda semel via Lethi. ‡

Eâdem

* *Schottus in Biblioth. Hispan.*

† *Becman. Histor. Acad. Francof. ad Viadr.*

‡ *Horat.*

Eâdem tempeſtate celebre erat in Gallia

GUILIELMI BUDÆI

nomen, cùm ipſe cognitione variâ rerum & linguarum inter ſuos unus omnium maximè floreret. Huic nihil dulcius erat literarum ſtudiis, quibus adeò delectabatur, ut cùm in Aula ſplendido fungeretur officio, & apud Regem Galliæ Libellorum Supplicum Magiſter eſſet, nunquam tamen deſiſteret, Muſis horam ſuffurari, & in ipſa nuptiarum ſolennitate. Scripſit ad *Draconem Budæum* fratrem *de Fortuitarum Rerum Contemptu* libros III. Lutet. 1521. in 8. Lugd. Batav. 1624. in 8. excuſos. Opera prodierunt Baſileæ, 1557. 3. vol. fol. vita in Collectione Bateſii apud Anglos recuſa eſt.

De Fato & Providentia Divina egiſſet, etiam peculiari ſcripto

JOAN. FRANCISCUS PICUS,

Mirandulæ Dominus, ſi fato viſum fuiſſet: ſed dum *Galeottus*, fratris filius, egregii viri gulam; ad pedes crucifixi, gladio hauſit, ſanguine innocentiffimò Scriptum hoc, ut alia etiam, perfudit, quæ in lucem poſtea nunquam prodierunt. Promiſit hunc, de quo loquor, Tractatum, in præclaro Opere *de Prænotione*, lib. v. cap. vi.

D 5

Poſt

Post eum

HERMANNUS SCHOTENIUS,

inter alia, quæ ipsi tribuuntur, *Colloquia de Modo petendæ utriusque Fortunæ*, Colonia 1535. in 8. vulgavit.

Et

REINERUS SNOIUS,

natione Batavus, Medicinæ Doctor Bononiensis, antequam 1537. naturæ debitum persolveret, *de Fato & de Essentia, Potentiis, & Passionibus Animæ* scripsit. *

PETRUM POMPONATIUM,

Philosophum doctissimum, † magni nominis Peripateticum, ‡ quod attinet, cum quoque *de Fato* scripsisse novimus. Mantuanus is Philosophiam Patavii magno successu docebat, cum adversarii, *Aristotelis* sententiis nimis anxie inhærentem corriperent, rogoque imposuissent, nisi *Petrus Bembus* Cardinalis, tutelarior fuisset genius, qui effecit, ut Bononiæ anno climacte-

* Swert. in *Athen. Bat. Callid. Loos de Script. German.*

† Voss. de *Art. Hist.* pag. 24.

‡ Petit. de *Sibyll.*

maſterico ſuo ex retentione urinæ fatum ſuum potuerit abſolvere. Ejus liber *de Incantatione*, cum altero *de Fato*, curâ *Guilielmi Grataroli* Baſileæ 1567. in 8. prodiit, cujus MS. erat in Bibliotheca Scorialenſi. * In his multa, jure injuriâque paſſim taxant docti, plerique tamen Viri acutiſſimi famam *Pomponatio* denegare non audent. In libro, fateor, *de Immortalitate Animæ*, qui oppidò rarus eſſe cœpit, uti & in aliis Operibus nimis ſibi, & Philoſopho ſuo indulget, tum ſalebroſa eſt oratio. Quid in reliquis, quæ compoſuit ſcriptis, egerit, vix conſtat, cùm editæ nec dimidiâ parte ſint. *Jacobus Gaffarellus*, anno 1633. cùm Venetiis eſſet, ad Dn. *Bourdelot* miſit unſverſam *Petri Pomponatii* Philoſophiam Manuſcriptam, prægrandiores ſex diſtinctam in Tomos. In quibus, ſine dubio, multa fuere anecdota, unde nihil in publicum redundavit lucri. † Epitaphium ejus, licet fictum mordaxque, tale ferunt.

HIC SEPULTUS JACEO: QUARE? NESCIO:

NEC SI SCIS, AUT NESCIIS, CURO.

SI VALES BENE EST; VIVENS VALUI.

FORTASSE NUNC VALEO, SI AUT NON,

DICERE NEQUEO. ‡

Ad-

* *Catalog. Mſſ. Mſ.*

† *De ejus Vita legi poteſt Diſſertatio Jo. Gottlieb Olearii, quam Jena 1709. habuit.*

‡ *König in Biblioth.*

60 T H E A T R U M

Adversus eum tela torserunt tum alii,
tum

A M B R O S I U S ,

Neapolitanus Augustinianus, Episcopus
Samofensis, & Mantuanæ Ecclesiæ Suffra-
ganeus ad *Clementem* VIII. Pont. Max. *

Vestigia ejus verò premit discipulus

S I M O N P O R T I U S ,

Neapolitanus, acutus Philosophus, † editis
libellis *de Mente humana*, in quo profanum
arguunt, & *de Fato*, qui Florentiæ 1561.
prodiit, si *Toppi* ‡ credimus; si *Nau-
dao*, † Mistus. in quorundam privato-
rum Bibliothecis latet, nec unquam ex-
cusus est.

Claruit circa annum 1538.

In Germania tunc temporis,

THEOPHRASTUS PARACELsus,

Helvetus, apparuit inter Literatos tan-
quam stella crinita, & ingenio novaturien-
te, sed sanè mirabili, in Philosophia &
Medi-

* *Possevin. in App. Sacr.*

† *Thuan. l. 13. Mireus de Script. Sec. xvi. c. 87. p. 80.*

‡ *Toppi in Biblioth. Neapol.*

‡ *Naud. §. 1. de Fato.*

Medicina tantas turbas dedit, ut propriam Sectam ringentibus frustra *Galenicis* instituerit, quæ præsertim arcana Naturæ sectatur. Hic cum vix verbum, pace Grammaticorum, uti arguunt, proferret, & tam obscura proponeret dogmata, ut *Paracelsus*, si revivisceret, *Paracelsum* vix intelligere, credatur; legi tamen meretur, quomodo sententiam suam *de utraque Fortuna* libro 1. Philosophiæ tulit, quam *xxiii.* libris absolvere constituerat. Obiit Salisburgi 1547. egenis hæredibus scriptis,

Victima nil miserantis Orci.

Hac tempestate celebres apud Italos fuerunt

JOANNES BASADONNA,

GIROLAMUS GUARIMBERTUS,

ULPIANUS VERONENSIS,

NICOLAUS FRANCUS,

qui in nostro argumento studium exercere suum.

Basadonnæ Veneti librum *de admirabili Dei Providentia, & Mortalium Cura* circa annum 1545. citat *Possevinus*. * *Guarimb-
bertus*

* *Possevin. in Appar. Sacr.*

bertus de Fortuna libros sex linguâ Italicâ Venetiis 1550. in 8. edidit; ubi etiam biennio post *Ulpiani Veronensis Tractatus de Fato* in 8. excusus est.

Quod *Nicolaum Francum Beneventanum* attinet, homo fuit non parvi, sed mordacissimi ingenii; quo incitatus cum nigro sale aspergeret obvios, & solitâ Satyris dicacitate arrosor Principum, &, quod sequitur, irrisor esset, horum jussu anno 1554. Romæ in *Via Pasquini* misero laqueo gulam fregerunt; quibus hoc negotii datum erat.

Fati ignarus scripsit Dialogum patriâ linguâ *de Fortunâ*. *

Apud Belgas

LEVINUS LEMNIUS,

Medicinæ Doctor, ob morum suavitatem suis charissimus, anno 1553. Tractatum *de Vitæ Termino* conscripsit, Lugduni Bat. 1639. in 12. curâ *Boxhornii* recusum. In hoc certa fixaque & determinata esse cuique subsistendi spatia ab Opifice hominis Deo data statuit, quæ transire nullus mortalium possit; non attingere verò, & citra consistere qui-

* *Gbilin. in Theatr. Cl. Vir. pag. 173. Laur. Crass. in Elog.*

*quivis, si voluerit, queat. * Aliàs Fato nos non subjici, nec necessitate aliquâ urgeri, nisi ad voluntatem Dei referas. † Ita Medicum in ægrotis fines positos transgredi non posse, juvare tamen, ne in cursu deficiant: ut scilicet obduretur iis os, qui necessitate inevitabili stabilitâ, Medici operam negligendam esse duxerant.*

UT ad Italos revertar, apud eos

JULIUS SIRENIUS,

Brixianus, Hieronymianus, insignis Philosophus, argumentum *de Fato* libris IX. illustravit, in quibus *de Contingentia, Necessitate, Providentia & Præscientia Divina, Prophetia & Divinatione ex Philosophorum & Theologorum sententia* tractat. ‡ Prodierunt cum perioche *Hieronymi Magii* Venetiis 1563. fol. & in 4.

* *Lev. Lemn. de Vite Terminò, pag. 17.*

† *Pag. 67. ej. tract.*

‡ *Possevin. in Appar. Sacro,*

Eadem

Eadem Italia

HIERONYMUM CARDANUM,

Mediolanensem, præclarissimum Medicum, dedit; cui profundum profusumque ingenium, nec adversarii denegant. Vir planè singularis, cùm varia vitæ suæ perenderet fata, prætereà summo ingenio Historiam omnis ævi in numero habere, & huic scopo congrua multa operibus passim inspersisset, libros iv. *de Fato* scripsit nunquam editos; sed qui, ut ederentur meruissent, nec tantum Manuscripti in privatorum quorundam Bibliothecis laterent.* Quantum ex tabula libri, quam edidit, constat, libro i. *cognitionem & demonstrationem Fati, communemque consensum de hoc & tribus. Parcis* attulisset.

Libro secundo *quindecim rationes adversus Fatum, & iisque satisfaciendo, nec has tollere Fatum* proposuisset.

Cui cùm innitatur *Divinatio*, libro iii. *hanc* expendisset, & *septuplex mundi vinculum cum Deo, mortalium cum cælo, cum causis naturalibus, vinculum unitatis, interitus & successionis in mortalibus, vinculum Fati, mundique cum homine* exposuisset.

Liber quartus *proprias considerationes, quæ ex Fato pendent, exhibuisset.* In his
fanè

* Naud. §. 1. *de Fato.*

fanè attulisset non pauca lectu digna, & quæ ad inquirendum jucundissimè illuciant.

Sed, uti jam monui, paucissimorum in manibus est, & *habent sua Fata Libelli.*

Veluti & *Cardanus Fato* occubuisse videtur, dum tempus ultimum anno 1576. sibi esse destinatum prædixit eâ certitudine, ut cùm inimici factum negare non possent, inediâ sibi mortem conscivisse dicerent. *

JOAN. ANTON. DELPHINUS,

è Casali Majore Ordinis Minorum Theologus, Vir acri judicio præditus, (ut esse convenit eis qui magna tractant) libros 111. *de Divina Providentia*, Romæ 1588. edit. †

Eodem scilicet anno quo obiit

SPERO SPERONUS,

civis Patavinus, Vir literis percelebris, & mellifluo dicendi genere excellens, qui & Patavii, & Romæ sub *Leone X.* lauta meruit stipendia, & à *Pio IV.* Pontifice Maximo, Equestri Ordine decoratus est.

E

Cùm

* *Tbuan. Naudeana.*

† *Possevin. in Appar. Sacro.*

66 T H E A T R U M

Cùm ita laude & honore abundaret, secessit in patriam, & privatus quietâ mente æternam anno 1588. ætatis 84. adiit quietem, publicè laudatus ab *Antonio Riccobono*, Eloquentiæ apud Patavinos Professore. Multa ejus scripta sunt anecdota; Tractatus Italicus verò de *Fortuna*, * cum aliis ejus *Dialogis* prodit Venetiis, 1596. in 4.

ALBERTI HERONIS,

Snecani, Frisii libri v. de *Providentia Divina*, Coloniae excusi sunt, 1582. in 8. quos vix per septennium evolvit Autor, qui anno 1589. naturæ leges implevit.

LACTANTIUS DOMANINUS,

Mantuanus, Carmelita, itidem eximiae doctrinæ Vir, & Ordinis sui Vicarius Generalis, magnum opus duobus voluminibus de *Providentia Dei* scripsit, quorum primum de *Contingentia*, *Necessitate*, *Casu* & *Fortuna*, de *Scientia Dei*, de *Sapientia humana*, de *Libero hominis Arbitrio* atque *divina Gratia* agit.

Volumen secundum de *Creatione rerumque Dispositione*, de *Ideis*, *Divina Providentia*

* *Thomassin. in Elog. Ghilin. in Theatr. Viror. illustr. Thuan. lib. 89. Scardeonius in Hist. Patav. lib. 11. class. XI. pag. 258.*

*dentia & Fato, de Prædestinatione, de Re-
probatione est. **

HIs temporibus vixit

TORQUATUS TASSUS,

insignis Poëta. Surrentum is, regni Neapolitani oppidum, patriam habuit; sed Roma & Patavium mox exulem susceperunt, & egenum literarum cultu ita decorarunt, ut Poëta primi nominis censeretur. Sed cæso per iram inimico, fortuna cum eo joculari voluit, & libertatem, & sanam mentem auferre, donec occasionem aufugiendi nactus, utramque non solum, sed etiam patrimonium, quod perierat, recuperaret. In tanta varietate fortunæ linguâ patriâ, præter alia, quæ commendantur Opera, *de Fortuna* scripsit. † Anno 1595. ætatis quinquagesimo secundo ad plures abiit,

Unde negant redire quenquam. ‡

* *Possevin. in Appar. Sacr.*

† *Thomassin. in Elog. Toppi in Bibl. Neapol.*

‡ *Catullus.*

*Fati quoque Scriptoribus annumeratur à Naudæo **

JACOBUS CARPENTARIUS,

inſignis Profeſſor Mathematicum Pariſinus, qui celebres cum *Petro Ramo*, aut pro *Ariſtotele & Platone* exercuit lites, aut privatis de cauſis, ut vult *Verderius*, † quòd ei *Ramus* docendi munus ſine examine committere noluerit. Mortale fuit alterius in alterum odium, & hujus demum innocens victima *Ramus*, dum anno 1572. Bartholomæâ Cæde homicidæ *Ramo* à *Carpentario* immiſſi creduntur. Nec hujus tantum facinoris invidiam fert noſter; ſed duos doctiſſimos viros inſimulant uno ictu interfeciſſe, *Ramum* gladio, *Lambinum* metu. ‡

Idem *Naudæus* † dum *Carpentarium* nominat, &

OMPHALIUM ET RIOLANUM

Scriptoribus Fati annumerat.

* *Naud. de Fato*, §. 1.

† *Verdier. in Proſopogr.*

‡ *Tbuan. ad ann. 1597. Patin. in Mſſo.*

‡ *Naud. de Fato*, §. 1.

Cæte-

Cæterùm circa hæc tempora

HIPPOLITUM CARACCIOLUM,

Canonicum Regularem Lateranensem, Orationibus variis ad populum habitis fuisse percelebrem invenio, in quarum una *Providentiam Divinam* vivis coloribus depinxit, & ut cum aliis Venetiis 1599. typis exscriberetur curavit. *

De Fortuna,

JACOBUS TIPOTIUS,

Fortunam aulicam expertus, commentari eo rectius potuit. Jurisconsultus Brabantinus erat, Herbipoli verò confederat, cùm *Joannes*, Suecorum Rex, sibi à Consiliis esse juberet. Temporum decursu mutata rerum facie, post obitum Domini sui tantum apud *Sigismundum* filium & successorem, improbitas adversariorum valuit, ut carceri manciparetur, in quo libros *III. de Fortuna* composuit, † quibus ita Fortunam placasse videtur, ut libertatem reciperaret, & à *Rudolfo II.* Imperatore ad Historiam scribendam vocaretur, apud quem anno 1600. diem obiit supremum.

* *Possevin. in Appar. Sacro.*

† *Val. Andree in Bibl. Belgic.*

70 THEATRUM

Post hunc scenam ingreditur

JUSTUS LIPSIUS,

celebris Professor Lovaniensis, & Antiquitatum Romanarum studio nulli secundus: adversus hunc

GEORGIUS THOMSONUS,

Vindicem veritatis, libris duobus edidit, quorum prior fatuam ejus *de Fato* doctrinam refutat: sed parciore est quam vellem. Prodiit Londini 1606. in 8. Alcmarae 1609. in 8.

SÆCULI
XVII.
SCRIPTORES.

SÆculum XVII. illustraturo, triste occurrit auspiciū, & favere linguis ut jubeam necesse est, dum subit infœlix imago miserrimi

JULII CÆSARIS VANINI,

quem & *Lucilium*, *Luciolum*, *Luciumque* vocant. Hunc Italia genuit, Hispania, Germania, Anglia, Belgiumque vidit, Gallia coluit, & rogum struxit. In Taurisano, oppido regni Neapolis, natus est, patre *Joanne Baptistâ Vanino*, matre *Beatrice Lopez de Noguera*. Romæ literarum rudimentis imbutus, postea sub *Bartholomæo*

nico Argoto, Petro Pomponatio, Joanne Bacconio, Philosophiæ & Theologiæ incubuit magnâ spe. Ingenium enim ei erat

Non parvum, non incultum, nec turpiter hirtum,

sed turbidum novitatisque studio deditissimum. Nova igitur sectabatur, nova eo studio quærebat, ut antiqua præ iis penitus quasi nota prætermitteret, immodicus amator sui, aliorum irrisor. Præsertim Scholasticorum tricas excutiens, leves argumentorum structuras, Chrysippea retia in arduis abstrusisque difficultatibus, * minime iis se probabat, qui cane pejus & angue Censores tales oderunt. Accedebant paradoxorum crebra assertio, *Aristotelis* immoderatus amor, Atheorum profana & improvidè relata dicta, cui veneno par antidotum non parasse videbatur. Præterea ipsum miserum & vagum vitæ genus, Medicinæ & Astrologiæ studium, inconsideratus sermo suspectum reddebant. Arripuerunt igitur Tolosæ, loco sancto, dicit *Gramondus*. † At postulatus corruptæ per novum dogma juventutis, probatione ambiguâ dimittebatur, cum *Franconis* testimonio, qui prodibat tanquam ex machina, rogus ei ut Atheo decernitur, in quo lin-

E 4

guâ

* *Vanin. Dial. 1. pag. 2. de Arc. Nat.*

† *Gramond. in Hist. Gall.*

guâ abscissâ in cineres anno 1619. redactus est. Scripta ejus hodie extant, *Amphitheatrum* scilicet *æternæ Providentiæ* divino-magicum, *Christiano-physicum*, nec non *Astrologico-Catholicum*, adversus veteres Philosophos atheos, Epicureos, Peripateticos, Stoicos, Lugduni 1615. in 8. excusum, quod satis sanum ac subtiliter pro *Animæ Immortalitate* disputare, observat Morbosi. * Alterum est liber decantatissimus, de admirandis *Naturæ Reginæ* Deæque mortalium *Arcanis*, qui Lutetiæ 1616. haberi cœpit; sed posterior politius limatus non est, cùm surreptus Typographi nimis avidi obstetricante manu prodierit, priusquam ultimam manum adhiberet Autor. Alia itidem commemorat ipse Opera: libros XVIII. pro *Concilio Tridentino* †; *Apolo-
logiam* pro *Mosaicæ & Christianæ Legis veritate* ‡, de *Animæ Immortalitate* †, deque *Fato Stoico* § libros. In *Aristotelem* de *Generatione* γ, & de *Meteoris* commentatus est δ; in *Philosophia morum* de *vera Sapientia* scripsit ζ, & *contemnenda Gloria* θ.

Libri

* Morbos. in Polybist.

† In Præfat. Amphibith.

‡ Van. Amphibith. Exerc. VIIII.

† Dial. 28. pag. 172.

§ Dial. 44. pag. 271. de Arcan.

γ Exerc. 33. pag. 231. Amphibith.

δ Exercit. 50. Amphibith.

ζ Dial. 51. pag. 369.

θ Dial. 50. pag. 359.

*Libri Astronomici Argentorati elegantissimis typis excusi sunt, in quibus admiranda enarrasse dicitur. **

Huic pergamus aliorum Fata subungere. Ita

CAROL. HYACINT. PUTEANUS,

Bruxellenfis, Ordinis S. *Dominici*, Dissertationem Palestricam habuit *de Providentia, Fato & Felicitate* hominum, Brussel. 1623. in 4. †

Locum quoque invenit

SCIPIO CLARAMONTIUS,

Cæsenas, [Pontificiæ ditionis oppidum est] Philosophus & Mathematicus insignis, & primis annumerandus, qui se Perusiæ aliquandiu docuisse ipse testatur. In Pisana Academia floruisse vult *Ricciolus*. Amore tamen patriæ maximam vitæ partem in ea transegit vir nobilis, equestri etiam auctus dignitate, & præclaris scriptis tantam sibi nominis famam acquisivit, ut cum jam in cineres diu abierit mortale corpus, ingenium tamen posterum non minus studiosè

E 5

vene-

* *Dial. VII. & XVI. de Arc. Nat.*

† *Valer. Andr. in Bibl. Belg.*

venerentur quàm spirantem amicorum quispiam. Præter alia *Semejoticam moralem*, seu de conjectandis Moribus, & latitantibus animi affectibus, opus reliquit, auro contrà æstimandum, quod ob insignem usum *Helmstadii* recudi fecit *H. Comringius*.

Scopo prætereà nostro consona quædam aliquando tractasse, ejus libri indicant verba. * *Quæ sit Fortuna utrùm Providentia ipsa Divina, ut ad effectus nobis incognitos refertur, vel ut concursum nobis incognitum causam jungit, an causa omninò per accidens, an cœlestis aspectus, non est hujus loci inquirere & determinare: qui veram simpliciter sententiam nosse desiderat, Theologos adeat: nos physicè rem peculiari tractatione discussimus.*

JOANNES
BEVERO-
VICIUS
*motaque de
fatali vitæ
termino
controver-
sia.*

Circa hæc tempora vixit

JOAN. BEVEROVICIUS,

Medicinæ Doctor; Senator & Pátritiús Dordrechtanus, Vir tum aliis multis nominibus commendandus, tum quòd viris doctissimis sui seculi autor suasorque fuerit, indagandæ arduæ illius quæstionis, *An certæ vitæ stent leges, quas transire nemo possit.* Prodiit ea in re Quæstio ejus epistolica de *Vitæ Terminò fatali*, Dordraci

1634.

* *Semejot. lib. III. cap. IV. §. 4.*

1634. in 8. auctior Lugduni Batav. 1636.
in 4. libris II. . Quam licet lectu indignissi-
mam judicent *Sorberiana*, * censurâ ma-
lim abstinuisset ineptâ *Sorberius*, & in aliis
subacerbus, cùm in alteram partem viri
clarissimi certatim eant. Et extant mu-
tuæ Epistolæ doctorum Virorum, uno vo-
lumine excusæ, de quæstione proposita,
quæ diversis inter se dissidentes sententiis,
uno ore tamen *Sorberio* censoriam dene-
gant autoritatem. Causam in his agunt :

Abrahamus vander Myle,
Theologus.

Andreas Colvius,
Theologus Dordrechtanus.

Andreas Rivetus,
Theologiæ Doctor & Professor.

Arnoldus de Reeck,
Medicinæ Doctor.

Casparus Barlaeus,
Medicinæ Doctor & Philos. Professor.

Cornelius Beverovicus,
Theolog. Dordrechtanus.

Cornelius à Someren,
Consiliarius & Medicus ejus loci.

Gerardus vander Laan,
Consul Harlemensis, in Conventu Pro-
cerum Bataviæ Delegatus.

Gis-

* *Sorberiana*, pag. 29.

76 THEATRUM

Gisbertus Voetius,

Theologiæ Professor Ultrajectinus.

Jacobus Crucius,

Theologus Delphensis.

Joannes Beverovicus,

Autor Controversiæ.

Joannes Junius,

Theologus Silvæ-Ducensis.

Joannes Polyander,

Theologiæ Professor Lugdunensis.

Joannes Westenburgius,

Theologus Dordrechtanus.

Justus Cæcilus Puteanus,

Eryci filius.

Marinus Mersennus,

Ordinis Minimorum Theologus.

Simon Episcopus,

Artium & Theologiæ Doctor.

His parte tertiâ Lugduni Batav. 1639.
in 4. Quæsitæ circa hanc Quæstionem, ac-
cesserunt,

Annæ Mariæ à Schurmann.

Danielis Dammi,

Logices Professoris Franeckerani.

Fortunii Liceti,

Philosophiæ Prof. Bononiensis.

Fran-

Francisci Sylvii,
Theologi Duacensis.

Gabrielis Naudæi,
Parifini.

Godſchalci Altii,
Theologiæ Licentiati.

Joannis Elichmanni,
Medicinæ Doct̃oris, operi immortui.

Thomæ Eraſti,
Medici & Philoſophi olim celebris.

Quorum nemo hoc argumentum infra
dignitatem ſuam habuit.

Nec hos tantum ſollicitavit materiæ
pondus, ſed nec aliis clariffimis viris in-
dignum argumentum viſum eſt cui horas
quaſdam ſubciſivas impenderent. In his
Claudium Salmaſum, *Danielem Heinſium*,
& vivam illam Bibliothecam *Gabrielem*
Naudæum, illum licet jam nominaverim,
qui mihi innotuerunt, appello, quibus in
hoc decurrere campo placuit.

Quorum dum nomina commemoro,
autoritas quædam inde Fati Scriptoribus
non levis acceſſit, quòd hi Triumviri
principes literarum ſui ævi non injuriâ
æſtimentur.

Quis

Quis enim ignorat,

CLAUDIUM SALMASIUM,

Divionensem, Gallum ob stupendi ingenii dotes à prudentissimis Reipublicæ Belgicæ Rectoribus dignum esse habitum, qui post obitum magni *Scaligeri* cathedram ejus teneret? Hujus quòd gloriam una occupaverit, ipse sibi debet suæque doctrinæ, quæ in variegato illo Philologiæ studio sine æmulo præeminebat. Unicum opus *Exercitationum Plinianarum ad Solinum*, ne de reliquis sum sollicitus, irrefragabile dabit testimonium, inexhaustam fuisse hujus viri diligentiam & vastam lectionem. Idem loquuntur reliqua permulta, quæ composuit opera, partim prælo excusa, partim nescio quo orbis in angulo delitescencia. Posteriori accedit ordini tractatus *de Fato*, cujus ipse meminit in fine *Diatribæ de Annis Climactericis*: se ante annos duodecim jam confectum, & prælo paratum habere volumen fatis grande *de Terminò Vitæ*, utrum fatalis sit, an mobilis, num ille aliquà vel nullà arte sit prorogandus, occasione quæstionis à *Beverovicio*, Medico tum temporis hac controversiâ celebri, sibi propositæ, conscriptum. Extat fane de hac controversiâ Epistola *Beverovicii* ad *Salmasium* cum responso ejus, dum opus ei

mittit

mittit cum aliis *Beverovicii* Epistolis, & monet Typographus, quòd dum *Salmasii* responsum in iustum volumen excreverit, seorsint edere coactus fuerit. Videre verò hoc monumentum mihi non contigit. Inter opera prælo parata commemorat *Antonius Clementius*, vitæ *Salmasii* compiler.

In eadem Academia Lugdunensi eodem tempore elucebat incomparabile

DANIELIS HEINSII

ingenium & par iudicium, qui nulla in re *Salmasio* inferior fuisse videtur, nisi loco, jussu superiorum & magnitudine voluminum.* Hujus & alia doctrinæ sunt monumenta, tum etiam quæstionem à *Beverovicio* propositam enucleandam sumfit, testimonio *Marci Zuerii Boxhornii*, qui cum *Levini Lemnii* opusculum de *Termino Vitæ* prælo iterum submitteret, ipsumque *Beverovicium*, ut quædam literis consignaret invitasset, partes *Heinsio* cedit, ne videatur *Iliadem* canere post *Homerum*: rescribit enim:

Quid me destitutum ab omnibus,

Vir summe, postis? qui nec interpret Deum,

Nec favientium scriba Parcarum fui,

Nec Fata novi? Nunquid est tibi satis,

Tot

* *Meurf. Ashen. Batav. Patin. in M.S.*

80 THEATRUM

*Tot magna sæcli nomina hoc libro legi,
Et inter illa, quod superbit, Heinsii
Illustre nomen? Solus hic pro millibus
Rex erudita gentis, & scientia
Dictator omnis, & quod haud ulli datum,
Qui mente penetrat cuncta: qua cuncti sciunt,
Complexus unus; unus atque omnis simul.
Quid ergo poscis? Heinsius dixit satis;
Quamque ille dixit, approbo sententiam.**

Idem

BOXHORIUS,

benè dicendi Magister Lugdunensis, cùm
Origines Gallicas Amstelodami 1654. in 4.
ederet, *Druidum* Sapientum proverbium:
Inservire Fortunæ usque ad finem necesse est,
sive *Charactèrem Fortunæ*, aliquot Jambo-
rum Centuriis explicavit.

GABRIELIS NAUDÆI

*Differtatio ad Beverovicium de Fato & fa-
tali Vitæ Terminò* in Pentade Quæstionum
Iatro-philologicarum, Genevæ 1647. in 8.
excusa elegans sanè, ut omnia hujus viri,
fatum studiosè removel. Ipsius vitæ quæ
fuerint fata, ex Epitaphio cognosces,
quod *Ludovicus Jacobus* ei ponere consti-
tuerat.

D.

* *Boxhorn. in Carm. pram. Op. Lemnii.*

D. O. M.

GABRIELI NAUDÆO, LUTETIÆ PARISI-
SIORUM IN S. MEDENEI PAROCHIA
HONESTIS PARENTIBUS IV. NONAS
FEBRUARII MDC. NATO, MEDICO
PATAVINO AC ROMANO, REGIO,
ACADEMICO-HUMORISTÆ, PERPETUO
ABSTEMIO, CANONICO VIRDUNENSI,
PRIORI ARTIGUÆ APUD LEMOVICES
INTEGERRIMO, PHILOLOGO EXIMIO,
POETÆ A NATURA FORMATO, CUL-
TORI MUSARUM CELEBERRIMO.
HENRICI MEMMII, SENATUS PARI-
SIENSIS INFULATI PRIMUM: DEINDE
EMINENTISSIMORUM PRINCIPUM
S. R. E. CARDINALIUM JOANNIS
FRANCISCI A BALNEO ANTONII
BARBARINI, S. PONTIFICIS URBANI
VIII. EX FRATRE NEPOTIS ET JULII
MAZARINI REGUM CHRISTIANORUM
LUDOVICI XIII. ET XIV. ARCA-
NORUM CONSILIORUM ARBITRI.
TANDEM CHRISTINÆ, SUECORUM,
VANDALORUM ET GOTHORUM
REGINÆ, BIBLIOTHECARIO, VIRO
RELIGIONE, PIETATE, MORUM
INTEGRITATE, ET ANIMI CAN-
DORE VERE CONSPICUO, VINDICI
F VERI-

VERITATIS FORTISSIMO, FIDELISSIMO OMNIBUS LITERATIS AMICO, SCRIPTORI VARIORUM LIBRORUM UTROQUE IDIOMATE ERUDITISSIMO, REDUCE EX SUECIA ABBATIS-VILLÆ APUD MORINOS VIOLENTI FEBRE CORREPTO, POST SUSCEPTA ECCLESIAE SACRAMENTA DIE XXIX. JULII ANNO INCARNATIONIS MDCLIII. INTER SUORUM MANUS CHRISTIANE ET PIE MORTUO.

FRATER LUDOVICUS JACOB A S. CAROLO CABILONENSIS, ORDINIS CARMELITARUM, CHRISTIANISSIMO REGI A CONSILIIS ET ELEEMOSINIS, NEC NON EMINENTISSIMI S. R. E. PRINCIPIS JOANNIS FRANCISCI PAULI DE GONDI, CARDINALIS DE RETZ, TITULI S. MARIE SUPRA MINERVAM, ARCHIEPISCOPI PARISIENSIS BIBLIOTHECARIUS; AMICO SINGULARI AMICUS SINGULARIS POSUIT

MONUMENTUM ÆRE PERENNIOUS.

Fertilis

Fertilis fuit hæc ætas & aliis clarissimis viris, & præcipuè *Thomâ Campanellâ*, *Hugone Grotio*, *Petro Gassendo*, *Joanne Baptistâ Morino*.

In his

THOMAS CAMPANELLA,

Stilo, Calabriae oppido oriundus, Vir tam ardentis & portentosi ingenii fuit, ut de eo dictum sit, *unde literas scit, cum non didicerit?* Omnes scientiarum ordines insignis novator transiit. Non igitur illustrem potuit prætermittere *de Fato* tractationem. Veluti *de Fato siderali vitando* opus composuit, quod primo loco inter libros ejus astrologicos comparet, Lugduni 1629. in 4. sumptibus *Jacobi Andreae & Mathiae Prost* editos. Eundem ad illustrissimum Comitem Brassacum, Regis Christianissimi ad summum Pontificem Oratorem, postquam libertatem recuperaverat, *Centonem Thomisticum de Prædestinatione & Reprobatione*, *Auxiliis*, *libero Arbitrio* adversus Pseudo-Thomistas destinasse, ex ipso *de recta Ratione studendi* discimus. Sed cum posterior Theologorum Scholam spectet, alium locum meritò, ut de eo dicamus, postulat, qui jam inter Philosophos Fati interpretes versamur. Quæ verò fuerint

F 2

fata

fata *Campanellæ*, in Vita jam exposuit *Cyprianus*, Amstelodami 1705. in 8. Triste fanè intemperantis ingenii dedit exemplum, cùm acumine nimio pupugisset cucullatos, eorumque calumniâ, ac si Turcis urbem & Regnum Neapolitanum prodehere voluisset, in vincula conjectus, maximam vitæ partem inter tormenta & vexationes suorum egit.

HUGO GROTIUS

Delphis 1583. natus est, patre *Cornelio Grotio*, viro Latinè, Græcè & Hebraicè doctissimo. Hagæ-Comitis juvenis admodum causas egit, mox Fiscî curam gerere jussus est. Crescente famâ, crevit honos, & Roterodamenses urbis Oratorem, quem *Pensionarium* vocant, elegerunt. Illo tempore Synodus Dordracena doctrinam *Arminii*, celebris Professoris, atro notabat lapillo, cujus sententiæ fulmen cùm omnes illos peteret, qui diversas à Principe Auriaco in Republica tuerentur partes, specie Religionis, tam benè actum est, ut *Barneveldius* studium libertatis capite lueret, *Grotius* perpetuis vinculis addiceretur. Ac sæculo eripuissent hoc lumen invidi, nisi ex eorum manibus arcâ librariâ, ope uxoris, fuisset elapsus. Tum Lutetiam petiit, & Legatum ibi *Christinæ*,
Reginæ

Reginæ Suecorum, diu egit. Indè evocatus, cùm Maris Balthici littora legeret, naufragus & semianimis Rostochium delatus, *Quistorpio* præsentem animam Creatori reddidit, * cælo dignam. Collegit noster Sententias Philosophorum *de Fato*, & *de eo quodnam est in nostra potestate*, Amstelod. 1640. & 1648. in 12. editas; *Alcinoi* videlicet, *Alexandri Aphrodisiensis*, *Ammonii*, *Apuleji*, *Barthesanis*, *Chalcidii*, *Chrysippi*, *Ciceronis*, *Clementis Alexandrini*, *Clementis Romani*, *Diogeniani*, *Epieteti*, *Epicuri*, *Gellii*, *Hieroclis*, *Jambilichi*, *Josephi*, *Iustini Martyris*, *Lucretii*, *Maximi Tyrii*, *Maimonidis*, *Origenis*, *Platonis*, *Plotini*, *Plutarchi*, *Procli*, *Scriptoris de Placitis Philosophorum in operibus Plutarchi*, *Scriptoris Responſionum ad Orthodoxos*, *Simplicii*, *Taciti*, *Tatiani*.

His missis ad

PETRUM GASSENDUM

propero, Dinienſis Eccleſiæ Præpoſitum, & in Academia Pariſienſi Profeſſorem Regium, virum multis meritis ſcriptiſque clariffimum. Is cùm 1592. natus eſſet, & Muſis & amicis chariſſimus, quicquid

F 3

otii

* Witte in *Memor. Bateſ. in Vit. Select. Meurſ. Athen. Batav.*

otii ipsi erat literis impenderet, plurima ingenii composuit monumenta, quæ unâ prodierunt, Lugduni 1658. fol. tomis aliquot. Et edita quidem ante obitum, [qui ei anno 1655. climacterico suo contigit] Autor recensuit, auxit, illustravit. Posthuma in lucem prodierunt ex Bibliotheca Illustr. *Henrici Ludovici Haberti Monmorii*. Quibus Vitam eleganter satis scriptam præmisit *Samuel Sorbierius*. Horum Volumine II. libro III. sententiam suam de *Libertate, Fortuna, Fato & Divinatione* exposuit, ostendens quid sit *Libertas, seu liberum Arbitrium, quid Fortuna, quid Fatum, & quomodo singulorum conciliatio instituenda*: nec non *quid de Divinatione seu præsentatione rerum futurarum merè fortuitarum credendum*. In his, ut in aliis Philosophiæ partibus hujus operam expendisse non pœnitebit; optimis enim Autorum locis abundat, quos, ut solet, judicio selegit singulari, *Epicurum* Præceptorem secutus, cujus penè demortui *Æsculapium* ferunt; ita tamen, ut doctrina Christi cum istius stare Philosophia possit.

Huic,

Huic, cùm viveret,* acerbæ cum

JOANNE BAPTISTA MORINO

intercedebant lites & penè indissolubiles; apud nos, uti eodem anno mortalitatis impleverunt leges, eandem implent paginam. Erat autem *Morinus*, Francopolitanus, è Bellejocensibus apud Gallos, anno 1583. ortus. Medicinæ primò studium omne suum addixerat, effeceratque ut in ea Doctoris titulo ornaretur, cùm subitò scientiæ mathematicæ eo ardore incenderent, ut has reliquis omnibus disciplinis præferre non dubitaret. Quæ quidem in discendo aviditas haud modicè crevit, postquam beneficio *Mariæ Mediceæ* Reginae, Mathematicum Professor Regius Lutetiæ renuntiatus est. Tum varia edidit ingenii non inculti monumenta, quæ partim in publica luce versantur, partim tineis blattisque pabulum præbent, aut fortasse scombris tunicas dederunt molestas. Inter hujus scripta anecdota extiterunt libri III. *de Concorso primæ Causæ cum secundis in actionibus, tum naturalibus, tum præternaturalibus*; id est, quod *Providentiam* dicimus: de qua circa annum 1650.

SAMUEL RHETORFORTIS,

aliàs *Rhuderford*, librum composuit. *

F 4

Cui

* *König. in Biblioth.*

Cui meritò jungendus

LEVIN. NICOLAUS MOLTKE,

Eques Megapolitanus, literis non minus quam genere nobilis, serenissimo Duci Holsatiæ *Friderico* à Secretioribus Consiliis, & educatione filiorum. Is cum utrumque Principem, *Fridericum* & *Joannem Georgium*, fidei suæ commissum in itinere, illum Lutetiæ 1654. hunc 1655. in Italia morbo amisisset, mœrens: *De diverso hominum Proposito & Conatu* scripsit, & *Tractatum de admirando Dei Regimine & singulari Providentia*, Slevici 1661. excudi fecit. Videre illum mihi non contigit. Quod tamen illo *Fatum*, ejusque *definitio-nem*, *necessitatem*, *conditionem*, *aliaque* *hujus argumenti* tradiderit, mihi

CHRISTOPHORUS ANDREAS
BRUNNERUS

testis est, in *Fato Theologico-historico*, Lipsiæ 1704. edito, * qui idem de hoc themate

DANIELEM WULFER,

Verbi Divini Ministrum Norimbergen-
sem, citat. †

Quod

* In *Addend.* §. 2. pag. 2.

† *Brunner. part. 1. pag. 2. & in Add. loco citato.*

Quod superest,

MAURITIUS, Comes DE FLISCO,

edidit *Decadem de Fato*, annisque fatalibus tam hominibus quàm regnis mundi, Francofurti 1665. in 4. De hujus curiosi Operis occasione & instituto Autor ipse: Cum essem, * inquit, annorum viginti, hujus verò seculi 1655. scripseram perbreve opusculum, quod Romæ primò, postea alibi missum fuit, cui titulus: An Respublica Veneta anno 1656. sit passura imminentes Italiae calamitates, exitumque habuisset veritate successuum comprobatum, tum in Peste Neapolis, Romæ & Genuæ, tum in morte Principis Venetiarum, Caroli Contareni, tum in mundi Revolutionibus; hocque typis non fuit consignatum: quare in gratiam Magnatum, aliorumque amicorum altiora propalare coactus, improbo labore construxi hoc opus de Fato, quod in manus cujusdam Principis emortuum ab anno 1658. usque adhuc remansit, non sine spe editionis; causas non aperio, Lector, quia te stomacho benè valere cupio. Solum hoc non te ignorare volo, quod aures præbuit precibus quorundam, qui scrupulis tentantur, ultra non addo. Cum autem multi efflagitarent, quidnam esset de hoc opere, coactus opusculum scripsi de Mutationibus

F 5

Secta-

* In Prefat.

Sectarum, Imperiorum & Regnorum Mundi, *Lugduni impressum anno 1662. hoc specioso titulo, Monarchæ futuro, quod utinam ab eo abstinuissem, non fuisset tantus de me rumor, & Principum indignatio. Secundum edidi de Parcemia Pontificum: Non videbit dies Petri, anno 1663. Tertium de Fato Austri, anno 1664. hæc tria opuscula ferè tota in hoc opere continentur.*

Quod *Decadem Sphærarum secundum Cabalistas* continet; in quibus Sphæra

Decima agit de Deo, de Creatione Universi, introduciturque *Fatum*, & hac occasione quædam de magicis percurrere placuit.

Nona, quid sit & quotuplex *Fatum*, exponit.

Octava, de *Fato interno in nativitate.*

Septima, de *Fato externo in physiognomia, Metoposcopia, Chiromantia* agit.

Sexta, *Fatum in mundo per, ostenta & prodigia* exponit.

Quinta per *numeros.*

Quarta per *annos climactericos.*

Tertia occasione capitis antecedentis de *Termino fatali Vitæ* quærit.

Secunda in *diebus Fatum* ponit, & de *diebus criticis* tractat.

Prima *Fatum Regnorum & Rerumpublicarum per cœlestes causas, numerosque Platonicos; in specie Fatum Urbis Romæ* exponit.

In

In quo cùm quæpiam intermiscuisset, quæ Romanis quàm maximè displicebant, quatuor in locis, quantum scio, fœdè castrarunt, pag. 27. 131. 241. 249. Plagulam indicem commissi facinoris mecum habeo, nec ipsi diffitebuntur.

Postremò scenam ingreditur

JOAN. HENRIC. BOECLERUS,

Professor Argentoratensis celeberrimus, cujus præclara in literas extant merita. Utinam is rerum civilium peritissimus Judex, qui *Theatrum Fati* scribere voluit, librum illum absolvisset! magnam huic argumento facem accensam haberemus, inquit

DAN. GEORG. MORHOFIUS; *

sed illi labori, uti & Morhofiano *de Fato Politico*, † iniquæ manum injecerunt Parcæ. Nam plurima & hujus excellentissimi Viri, qui Röstochii & Kilonii ad annum 1691. ætatis quinquagesimo tertio magno successu docuit, in tenebris latent Opera, multa quidem posthuma aliorum obstetricante

* Morhof. *Polyhist. lib. 1. cap. XII.*

† In *Vit. Polyhist. præmissa*, & *Dissert. 1. Theol. Gent. polit. pag. 19.*

cantē manu prodierunt ; sed exsanguia,
& quæ vix parentem referunt. In publico
luctu, quòd cum egregiis scriptis ita agat
Fatum, in mentem redeunt *Horatii* verba :

Cur his animis incolumes non redeunt gena?

vel, ut *Plinius Secundus*: * *Mibi*, inquit,
videtur acerba semper & immatura mors
eorum, qui immortale aliquid parant. Nam
qui voluptatibus dediti, quasi in diem vivunt,
vivendi causas quotidie finiunt. Qui verò
posteror cogitant, & memoriam sui operibus
extendunt, his nulla mors non repentina est,
ut quæ semper inchoatum aliquid abrumpat.

SUPERsunt plures, quos referre possem,
sed parco sciens, ne immemor propo-
siti, *Epistolæ* modulum transgrediar, qui
hac de causa, præcipuos potius quàm
omnes meâ oratione prosecutus sum Au-
tores. Scholam verò *Theologorum* vix
attigi, quæ alteram partem nostræ *Differ-*
tationis commodissimè traderet. Ac sanè
Scriptorum, qui de *Præscientia Dei*, & *Sa-*
pientia humana, *Prædestinatione & Repro-*
batione, *libero hominis Arbitrio*, *Divinaque*
Gratia disseruerunt,

*Tanta abundat copia,
Labori ut faber desit, non fabro labor.*

Cele-

* *Plin. lib. 5. Epist. 5.*

Celebris est inter Germanos *de Termino peremptorio, seu fatali Divinæ Gratiæ* controversia, & quæ sunt alia; sed de iis digitorum labellis admoveo. Mihi enim ipsi arctas scribendi metas pono, & sollicitè studeo, ut hæc præparatio, gravis potius quàm ampla videatur. Novi scilicet, ad quos verba faciam, & quod summa & immensa negotia Vestra, prolixam & luxuriantem Orationem respuant. Paucissimis igitur, quibus potero verbis; *Decadem Scriptorum incertæ ætatis, & Dissertationes Germanorum* adjiciam, nec verbum addam.

ANDRONICI ita CALLISTI

INCERTÆ
ÆTATIS
AUTORES.

MS. *de Fortuna Romæ in Bibliotheca Vaticana & Strozze* extare, notavit *Israël Spachius*. *

THEODORUS THULDENUS,

Silva-Ducensis Jurisconsultus, reliquit *de Providentia* libros iv. †

CONRADUS PEUTINGERUS,

Augustanus, Juris utriusque Doctor, & Consiliarius Cæsareus, *de Fortuna* scripsit, ut commemorat *Melchior Adami*. ‡

AL-

* *In Nomencl. Philosoph.*

† *Valer. Andr. in Bibl. Belg.*

‡ *Melch. Adami in Vit. Jurisconsult.*

ALBERTINUM MUZATUM,

Patavinum, *de Fato* extare, affirmat Gesnerus.

MICHAELIS CARRARIENSIS

de Fato & Fortuna librum 1. commemorat Jo. Philippus Bergomensis. *

ASCAN. CENTON. HORTENSIVS,

Mediolanensis, Eques Divi Jacobi, literis insignis, Latinè *de utraque Fortuna*, & in *Plutarchi* libellum *de Fortuna* scripsit; †

& PETRUS TRAVERSINUS,

Mantuanus, Carmelita, Theologus, in MSS. Codicibus Bibliothecæ Carmelitarum Mantuæ *de Providentia Dei* olim extitit. ‡

* *In Chron. lib. 15. pag. 410.*

† *Gbilin. in Theatr. Viror. illustr.*

‡ *Possevin. in Appar. Sacr.*

Apud

Apud Hispanos

DIEGUM DE VALERA

Tractatum scripsisse *de Providentia contra Fortunam* invenio, qui inter Codices MSS. Bibliothecæ Scorialensis erat: uti etiam

LUDOVIC. DE VALLEDOLID,

in librum quintum *Boëthii de Consolatione*, in qua tractat *de Possibilitate liberi Arbitrii, & Providentia Divina.*

ALPHONSI SPINÆ

Dialogus *de Fortuna*; &

Viterbiensis cujusdam libri III. *de Fortuna* ibidem extabant, fide Catalogi Bibliothecæ *Magnæi Arnæi*, * celeberrimi Professoris *Hafniensis*.

UT denique Scholarum celeberrimarum scrinia in nostro argumento excutiamus, DISSERTATIONES
VARIÆ.

FRANCISCI BURMANNI

Differtationes IV. *de Providentia Divina*, Roterod. 1688. in 4. excusas invenio.

Quarum

* In Catalogo *Mss. Mss.*

Quarum Prima *Existentiam* ejus probat.
 Secunda *actus* distinguit, seu *cooperando*
cum causis secundis, seu *gubernando* & *dedu-*
cendo ad suum finem.

Tertia *Contingentia* venire docet, non ex
conditione aliqua Causarum secundarum, sed
voluntate divinâ necessario fieri, ex *suppo-*
sitione Divini Decreti, *contingenter* & *liberè*
ratione Arbitrii humani, quæ non pugnent.

Quarta *doctrinam de Fato* proponit. *

De *Fortuna* legi possunt

LUDOVIC. HAVENREUTERUS,

Medicinæ & Philosophiæ Doctor, & Pro-
 fessor Physices Argentoratensis, qui *de*
Causis per accidens, Fortuna & Casu, 1618.
in 4. dissertuit.

JOANNES SPERLINGIUS,

Physices Professor Wittebergensis, anno
 1634. *de Fortuna, Casu & Monstro*, & ad
 J. C. Scaligeri *Exercitationem VII. in Car-*
danum; de Natura, Anima Mundi, For-
tuna, Fato & Casu, anno 1652. *in 4. egit.*

* *A. T. Erud. Lips. Supplem. tom. 1. sect. 9.*

Nec

Nec non

M. ANDREAS BEYER,

Lipf. 1661. in 4.

JOAN. CHRIST. HUNDESHAGEN,

Jenæ 1663. in 4.

D. FELIX SPICIUS,

qui *de Fortuna* differuerunt.

De Fato extant Dissertationes,

M. JOANNIS PARPARDI,

de Fato Physico, Witteb. 1661. in 4.

M. JO. BALTHASARIS RUNDE,

de Fato Christiano, Witteb. 1696. in 4.

Dissertatio

CONSTANTINI ZIEGRÆ,

S. Theologiæ Doctoris, & Physices Professoris, *de Fato*, Witteb. 1665. in 4. edita est, qui eodem anno *de Fortuna & Casu* commentatus est.

G

Et

98 T H E A T R U M

Et

M. VALENTINUS FRIDERICI,

Lipsiæ *de Fato* egit.

Differtatio

M. JO. HIERONYMI DE WEDIG,

quæ inscribitur, *Decretorum Dei & liberæ
Voluntatis humanæ Conciliatrix*, Witteb.
1690. haberi cœpit.

Fatalem Rerum Necessitatem sub præsidio

CHRISTIANI DONATI,

Logices & Metaphysices Professoris pu-
blici, in Cathedra Wittebergenfi, anno
1676. in 4. exposuit *Wagnerus*.

Declinationem Fati,

D. GOTTFRIED VON JEHNA,

Professor Francofurtensis.

Vanitatem & periculum Fati,

D. PHILIP. LUD. HANKENIUS,

Gießæ.

Præ-

Prætereà de Fatalitate Temporum

JOANNES SCHMIDIUS,

Dicographus Norimbergenfis;

De Fatalitate Locorum

D O N D O R F I U S

differuerunt.

*De Fato ad Justi Lipſii Politicor. lib. 1.
cap. 4. anno 1689. egit*

JO. PHILIPPUS SLEVOGT,

Jurifconfultus Jenenſis. *

Utrum Fata Religionum, Imperiorum Urbiumque dependeant ab aſtris, tribus Differtationibus negavit

JO. FRIDERICUS MAYERUS,

S. Theologiæ Doctor, Summus Sacrorum Antistes Pomeraniæ, Conſiliarius Eccleſiaſticus Suecicæ Majeſtatis aliorumque Principum, Profeſſor Kilonienſis & Grypswaldenſis, Hamburgi 1700. in 4.

G 2

De

* *Richard. de Profeſſ. Jenenſibus.*

100 T H E A T R U M

De fatalibus Personarum Nominibus

SEBASTIANUS SCHMIDIUS,

S. Theologiæ Doctor, & Professor Argentoratensis; &

DAN. GUILIELM. MOLLERUS,

Metaphysices & Historiarum Professor Altorfinus, anno 1685.

Speciatim de Fatalitate nominis FRIDERICI AUGUSTI

KIRCHMAIERUS

Exercitia Academica proposuerunt.

His focii comitesque jungendi

D. JOAN. CAROL. NÆVIUS,

de Terminis fatalibus;

JO. ANDREAS SCHMIDIUS,

S. Theologiæ Doctor, Professor Jenensis, & mox Theologiæ & Antiquitatum Sacrarum in Academia Julia, *de Termino Vitæ, an possit produci, an abbreviari?* Jenæ 1680. in 4. Idem, *si Fata Disciplinarum adjicere volumus, de Fato Disciplinarum mathe-*



mathematicarum programma edidit: veluti *de Fatis Studii Genealogici*

JAC. FRIDERIC. REIMMANN,
Rector Scholæ Halberstad. anno 1694.

D. P. MULLERUS, &
D. NIC. CHRISTIAN. LINCKER,
de Præoccupatione Fati differuerunt.

Denique

JO. CONRAD. RHUMELIUS,
Med. Doct. Norimb. anno 1632. singulari
Dissertatione hunc versum exposuit:

Omnis & instabili Sors fluctuat acta rotatu.

Hæc sunt, VIR ILLUSTRIS-
SIME, quæ hâc vice ad Te mittere audeo, ut si
tanti Tibi videbuntur, illis momentum
temporis benignè impendere velis. Est
quidem exile munus, Tuoque Splendori
impar, quem in excelsso humani Generis
fastigio positum, summâ eloquentiâ, sum-
mâ eruditione præditum, religiosè etiam
adiri à salutantibus scio, & ideò immensa
præter cæteros subit cura, ut quæ Tibi
dicantur, Te digna sint: Verùm & Diis
lacte rustici multæque gentes supplicant, &
mola tantum salsa, quæ non habent thura.*

* Plin. in Præfat. Histor. Natur.

INDEX AUTORUM.

A A.
 Abdias. 30.
 Ægidius Columnnius, *sive* de
 Roma. 42.
 Ælianus Claudius. 27.
 Alexander Aphrodisiensis. 21.
 Ambrosius Neapolitanus. 60.
 Ammonius. 13.
 Andronicus Callistus. 93.
 Aquinas Thomas. 41.
 Aristippus. 11.
 Aristoteles. 18.
 Asclepius. 2.
 Augustinus. 38.

B B.
 Baldinus Baccius. 51.
 Bardefanes. 30.
 Basadonna Joannes. 61.
 Beyer Andreas. 97.
 Beroaldus Philippus. 52.
 Beverovicus Joannes. 74.
 Blefensis Petrus. 40.
 Boeclerus Joannes Henricus. 91.
 Boëthius A. M. T. Sever. 28.
 Boëthus. 9.
 Boxhornius M. Zuerius. 80.
 Bradwardinus Thomas. 44.
 Brunnerus Christ. Andr. 88.
 Budæus Guiliclmus. 57.
 Burmannus Franciscus. 25.

C C.
 Callistus Andronicus. 93.
 Campanella Thomas. 83.
 Caracciolus. 69.
 Cardanus Hieronymus. 64.

Carpentarius Jacobus. 68.
 Carrariensis Michaël. 94.
 Chrysippus. 8.
 Chrysothemus Joannes. 36.
 Cicero Marcus Tullius. 23.
 Claramontius Scipio. 73.
 Columnnius Ægidius. 61.
 Constantinus Imperator. 33.
 Crito, *sive* Damippus. 5.
 Cusa Nicolaus de. 49.

D D.
 Damippus, *sive* Crito. 5.
 Delphinus Joan. Antonius. 65.
 Demetrius Phalereus. 20.
 Democritus. 3.
 Dio Chrysothemus. 26.
 Diodorus. 35.
 Diogenianus. 8.
 Domaninus Lactantius. 66.
 Dominicus Joannes. 49.
 Donatus. 98.
 Dondorf. 99.

E E.
 Engelbertus. 44.
 Epicurus. 10.
 Eurysius. 5.
 Eusebius. 34.

F F.
 Felix Minutius. 31.
 Flisco Mauritius de. 89.
 Francus Nicolaus. 61.
 Friderici Valentinus. 97.

Gaus-

INDEX AUTORUM.

G.

Gansfortius *Basilius*. 51.
 Gassendus *Petrus*. 85.
 Gaza *Theodorus*. 52.
 Gregorius *Nyssen.* 35.
 Grotius *Hugo*. 84.
 Guarimburtus *Girolamus*. 61.

H.

Hanckenius *Pb. Ludov.* 98.
 Havenreuterus. 96.
 Heinfius *Daniel*. 79.
 Helena *Flavia*. 33.
 Hermanni *Joann. Wesselus*. 51.
 Hermes. L.
 Heto *Albertus*. 66.
 Hierocles. 17.
 Hippodamus. 5.
 Hortensius *Ascan. Centon.* 94.
 Hundeshagen. 97.

I.

Jamblichus. 16.
 Jehna *Gottfried von*. 98.

K.

Kirchmayerus. 100.

L.

Lemnius *Levinus*. 62.
 Lydgatus *Joannes*. 46.
 Lincker. 101.
 Lipsius *Justus*. 70.

M.

Mayer *Joan. Frideric*. 99.
 Minutius *Felix*. 31.
 Mollerus *Dan. Wilhelmus*. 100.
 Moltke *Levinus Nicolaus*. 88.

Morhofius *Daniel Georgius*. 91.
 Morinus *Joannes Baptista*. 87.
 Muller. 101.
 Muzarus. 94.

N.

Nævius *Joan. Carol.* 100.
 Naudæus *Gabriel*. 80.
 Nicephorus *Gregoras*. 43.
 Nyssen *Gregorius*. 35.

O.

Omphalius. 68.
 Origenes. 31.

P.

Paracelsus *Theophrastus*. 60.
 Parpardus. 97.
 Petrarcha *Franciscus*. 45.
 Peutingerus. 93.
 Philo. 29.
 Philopator. 21.
 Picus *Joannes Franciscus*. 57.
 Pierius *Collutius*. 48.
 Plato. 11.
 Pletho *Georgius Gemistus*. 47.
 Plotinus. 13.
 Plutarchus. 26.
 Polizelus. 21.
 Poëmander. 2.
 Pomponatius *Petrus*. 58.
 Pontanus *Joan. Jovianus*. 54.
 Porphyrius. 14.
 Portius *Simon*. 60.
 Posidonius. 9.
 Proclus. 15.
 Prosper *Tyro*. 38.
 Puteanus *Carol. Hyacinth*. 73.
 Pythagoras. 4.

Reim-

INDEX AUTORUM.

R R.
 Eimmann. 101.
 Rhetorfortis, *five* Rhuderfort
Samuel. 87.
 Rhumelius *Joan. Conradus.* 101.
 Riolanus. 68.
 Runde *Joan. Balthasar.* 97.

S S.
 Almasius *Claudius.* 78.
 Salvianus. 39.
 Salutatus *Collut. Pierius.* 48.
 Schmidius *Joannes.* 99.
 Schmidius *Joan. Andreas.* 100.
 Schmidius *Sebastianus.* 100.
 Schotenius *Hermannus.* 58.
 Seneca *Lucius Anneus.* 24.
 Sepulveda *Joannes Genesius.* 55.
 Sylvius *Aeneas.* 46.
 Sirenius *Julius.* 63.
 Slevogt *Joannes Philippus.* 99.
 Snojus *Reinerus.* 58.
 Socrates. 6.
 Speronus *Spero.* 65.
 Sperlingius *Joannes.* 96.
 Sphærus. 9.
 Spicius *Felix.* 97.
 Spina *Alphonsus.* 95.
 Stanbery *Joannes.* 50.
 Synesius. 37.

T T.
 Aflus *Torquatus.* 67.
 Tertullianus. 30.

Theodoretus. 39.
 Thuldenus *Theodorus.* 93.
 Thomfonus *Georgius.* 70.
 Tipotius *Jacobus.* 69.
 Tiro *Prosper.* 38.
 Traversinus *Petrus.* 94.
 Trithemius *Joannes.* 53.
 Trivethus *Nicolaus.* 43.

U U.
 Lpianus *Veronenfis.* 61.

V V.
 Alera *Diegus de.* 95.
 Valerianus *Joan. Pierius.* 54.
 Valledolid *Ludovicus de.* 95.
 Vaninus *Julius Caesar.* 70.
 Varro *Marcus Terentius.* 22.
 Veronenfis *Ulpianus.* 61.

W W.
 Edig *M. Jo. Hier. de.* 98.
 Wesselus *Joannes.* 51.
 Wimpina *Conrad. Cocus.* 56.
 Wulffer *Daniel.* 88.

X X.
 Enocrates. 12.

Z Z.
 Eno. 6.
 Ziegta *Constantinus.* 97.



AAAAAA
 2234761A
 VVVVVVV

2
2 1/2
2



